



सानसेयारि **“बड'सा”** ख्रीरालाइयाव
स्माज्यादि जिज्जो लोब्बा थानाय रायथाय, खन्थाय,
स्ल', स्ल'बाथा आरो दावबायारि थावनि, पार्क
बाइदिनि सायाव लिन्नाय लिन्निदां दैथाय हर्/
सानसेयारि **“बड'सा”** ख्रीरालाइया सेबरानाबै
फोस्वगोन/
बड'सायाव लिन्नायानि हुदा खालाम,
“बड'सा” ख्री नोथां, जो बयबो आंगो खालाम/
सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Tuesday ★ 3 June, 2025 Kokrajhar, BTC, Assam ★ Vol.-35, Issue No. 69 ★ R.N.I.Regd.No. 40994/91, Assam Govt. Regd.No.IPRD. 40/2006/3, Rs.8/-

गिबि मन्थिआ आजारा सावस्त्रि सिबिसालिआव एम्बुलेन्स बेखेवदों

दुर्गा मन्दिर लुफुंनयनि लाइखुन्थिया गाइसन्दों

डिसपुर, 2 जुन: गिबि मन्थि
छ हिमन्त बिश्व शर्माआ दिने
गुवाहाटी नोगोरमानि
गरलटालुकनि दुर्गा मन्दिर
लुफु'नो लाइखुन्थिया
गाइसन्नायजों लोगोसे आजारा
खोन्दोआरि गुदि सावस्त्रि मिरुनि
थाखाय गंसे एम्बुलेन्स
बेखेवनानै होनाय नुनो मोन्दों।
बेजों लोब्बा लाखिनानै खुंफुंनय
हाबाफारियाव बिबुंथि लाखिनानै

(□ 6 बिलाइआव)



बड'लेण्डआव गिबि खेब “बड'लेण्ड सिइएम काप 1.0” फुटबल बादायलायनाय खुंनो साखा-फारा



कक्राझार, 2 जुन: जाखांबोनाय गोदान जोलैखौ
निसा उदां आरो गुबुन-गुबुन
समाजारी नडै

खामानिफोरनिफ्राय जानगराव
लाखिनाय, गेलेमु बिथिनि फास्से
गोसो जाहोनानै गोरोबलायनाय
गोजोन आरो खौसेथि दाफुंनय,

फुटबलनि फारसे बांसिनथारै
गोसो जाहोनायनि थांखिजों
बिटिआर गौथुमारि सरकारआ
सोलिफु बोसोरनिफ्राय
“बड'लेण्ड सिइएम काप
1.0” खौ जागायजेनगोन।
मख'नो गोनांदि, दिने बिटिआर
सेक्रे टारियेटनि मेल
जथुमसालियाव बिटिआरनि
गेलेमु आरो लाइमोन अन्साइ
बिफाननि मावफुं सोद्रोमा
दावबाइसा बर'आ खौरंगिरि

(□ 6 बिलाइआव)

दै बानाजों ख'हा जानांनय राइजो-राजानो जिल्ला खुंथाइआ हेफाजाब होनांगौ: गिबि मन्थि

गिबि मन्थिआ लक्षिमपुर जिल्लानि दै बानानि थासारिखौ खौरां लाहैदों



गुवाहाटी, 2 जुन: गिबि मन्थि
छ हिमन्त बिश्व शर्माआ दिने
दै बानानि थासारिखौ खौरां
लानायनि गेजेरजों लक्षिमपुर
जिल्लायाव नुजाथिहैनानै
आमथला आरो बरबिलनि दैजों
लोमसावजानाय ओन्सोलजों
लोगोसे पासनै दैमाया ख'हा
खालामनाय लामानि
थासारिखौबो नायगिदिहैनयखौ
नुनो मोन्दों। गिबि मन्थिआ दै

(□ 6 बिलाइआव)

गसाइगावनि बरबाधाआव इउपिपिएलनि सराइबिल बियाबनि बुथ सम्मिलन खुंदों

गासैबो हारि-हारिसानो समान मान, समान मोन्थाइ आरो समान जौगाथाइआ प्रमद बर'नि दैदेन्नायाव जाफुंसारदों: रोनगोरा नार्जारी

गसाइगाव, 2 जुन: ‘बिटिसि
गौथुमारि बियाबनि
बिसायख'थिआव बे खेबाव
इउपिपिएल दोलोआ रावजोंबो
लोगो जाया। बिटिसिनि दर 40
बियाबआव बिजाथि फसन्नानै दर
30 बियाबआवनो इउपिपिएल
दोलोनि बिजाथिनि देरहागोना
रोखा।' -बेबायदि बिबुंथिखौ

(□ 6 बिलाइआव)



बिटिआरनि दर 29 जौगाखां खोन्दोनि सिडाव थानाय हाथाइनि टेन्डारआ गोजोनै खुंजाबाय

बिटिआरआव गं 30 आइजो हाथाइ गायसन्नाय जागोन: पबित्र कुमार बर'



कक्राझार, 2 जुन: बिटिआरनि
दर 29 जौगाखां दख'रानि
सिडाव थानाय हाथाइनि
टेन्डारखौ दिने जाफुंसारै खुंनय
जाबाय। मख'नो गोनांदि,
बिटिआरनि सदर कक्राझार
सहरआव थानाय बड'लेण्ड
आलासि थाग्रा न'आव दिने

(□ 6 बिलाइआव)

केभिकेनि बान्जायनायाव सराइबिल-जनालि गामिआव जौगाखां आबाद बिथांखि मिसन हाबाफारिखुंदों

कक्राझार, 2 जुन: हदरनाडैजों
लोगोसे लोब्बा लानानै दिने
गसाइगाव महखुमानि सराइबिल
आरो जानालिगावआव
आलादा-आलादायै
जौगाखानाय आबाद बिथांखि
मिसननि हाबाफारि खुंदों।

(□ 4 बिलाइआव)



मोनफ्रोमबो विधान सभा बियाबआव गोर्बोबिथि, खुदिया आरो हरखाब सावस्त्रि सिबिथाइनि थाखाय 'पास्ट रेपारेल इरनिट'खौ मावफुंनगौ: अशक सिंघाल



डिसपुर, 2 जुन: सावस्त्रि मन्थि
अशक सिंघालआ दिने
माहारियारि सावस्त्रि अभियान,
आसामनि मावख'आव खुंफुंनय
मोनसे जथुम्मायाव सावस्त्रि
आरो नख'र अन्साइ बिफाननि
हाबा-हुखानि सोमोन्दै गुवारे
सावरायलायो। बिफाननि गोजौ
बिबानगिरि डा० पि अशक बाबु

(□ 6 बिलाइआव)

बिटिसिनि दर 10 बियाबआव अगप'दोलोआ बिसायख'थि बादायलायनो साखा-फारा जाबाय

बिपिएफजों लोगोसे इउपिपिएल, बिजेपिआ हा-हुनि जेना सुम्नानायाव गोनांथि होयाखे: भुपेन राय

कक्राझार, 2 जुन: बिटिआरआव मुगा नाडै जिउ
खांबोनाय गंफ्रोमबो हारि-
हारिसाजों लोगोसे
थागिबिफोरनि हा-हुनि
जेनाफोरखौ लानानै बै समावनो
बिपिएफ आरो आथिखालनि

(□ 6 बिलाइआव)



गुवाहाटी, 2 जुन: अम्बुबासि
मेलाआ फिन खेबसेबाव गाजा
गोमजायै खुंफुंनयानि
लामायाव। निलाचलनि
बिखायाव गुबुन-गुबुन हादर
राइजोफोरनिफ्राय बिमा
कामाक्यानि सिबियारिफोर,
साधु, सन्यासिफोरा
दावबायफेनो थाखाय साखा-

अम्बुबासि मेलानि थाखाय 4 कौटि 55 लाख रां बाहायगोन: रन्जित दास

22 जुननिफ्राय अम्बुबासि मेलाआ गाजा-गोमजायै खुंफुंजागोन



फारा जादोंसै। अम्बुबासि मेला
खुंफुं आफ्नादआबो हाबाफारिखौ
साबना हामनायै खुंफुंनो थाखाय

साखा-फारा जादोंसै। दिने
अम्बुबासि मेलाखौ लानानै

(□ 6 बिलाइआव)

सालबारिनि काटाझारआव ड्रग्सजों लोगोसे सासे फालांगिरिखौ हमदों



भबानिपुर, 2 जुन: सालबारि महखुमानि गवर्धना पुलिस थानानि
सिडाव थानाय काटझारआव गवर्धना पुलिस थानानि बिबान मोन्नाय
बिबानगिरि अबिजित गगैनि दैदेन्नायाव पुलिसनि मोनसे हान्जाया
ड्रग्सनि हेंथायै मोनसे नायबिजिरसंनय हाबाफारि लानानै
रबिबारखालि मोनाबिलिआव सासे ड्रग्स फालांगिरिखौ ड्रग्सजों लोगोसे
हमनो हदों। पुलिसा हमनाय ड्रग्स फालांगिरिखौ सालबारि महखुमानि
सिडाव थानाय निमुवा गामिनि आप्ता हसेइन होनानै सिनायथिदों।
हमजानाय आप्ता हसेइनप्रय पुलिसा 9.7 ग्राम ड्रग्स(हेइन)खौ
बोखनो हदों। मख'नो गोनांदि, आप्ता हसेइनआ ड्रग्स फालांगि
खालामबाय थानाय समावनो पुलिसा ड्रग्सजों लोगोसे आप्ताखौ हमनो
हदों। थानाय गोबाव सान नाडै आप्ताहसेइनआ ड्रग्स फालांगि खालामनाय
खामानिआव लोब्बा थानायखौ पुलिसनि सुतुंआ फोस्मायदों। □

सुजुगिरिनि खोलोम

मैखुनुनि आबादनि खाबु

मैखुना सुबुं देहानि थाखाय गोनां आदर। मैगं हारिनि बे मैखुनाव गोबां बिबानि प्रटिन, भिटामिन बाइदिसिना गुदि मुवाजों आबुं थानायखायनो मैखुना गासैं थाखोनि थाखाय बाहाय जानो हाथाव मैगं। सुबुं देहायाव नांनाय गोनां मुवाफोरनि गेजेराव मैखुननि बान्जायनाया बयनिखुइबो सिगां होन्नानै बुंनांगोन। गोदो-गोदायनिफ्रायनो मैखुना बर'फोरनि जाथोसे मोजां मैगं महरै मुं गोनांखा। अदेबानि सम सम हाग्रानि मैखुन फाग्ला जानानै मानसि थैनाय,लोमजानाया आथिखाल आसामनि थाखाय गोदान जाथाय होन्नानै सानजालिया। जाग्रया जादों मिथिनानैबो-थैग्रायाबो थैयो जानानै गाव मिबथिसाब्ला जासे। खौरांबो ओंखारफ्लायो मैखुन जानानै थैनाय। अब्लाबो नागारा मैखुननि हाबिला।

बर'फ्रा गोदो-गोदायनिफ्राय मैखुन जानाय हुदा दंखायोब्लाबो आथिखालनि बानायनानै एबा आबाद खालामनानै जानायनि खाबु-राहा गैयामोन आरो बेनि गोनोखोयारि दिहुनथायनि राहायाबो गेबं नडामोन। अब्लाबो बर'फ्रा जिगाब मैखुन,जुजाय मैखुन, हाफाव मैखुन,बिफां मुरायाव रज'नाय मैखुनफोरखौनो बबेया बिसो गैया बेफोरखौं सायख'नानै बोथिसे -मैखुन-अनद्ला, एउनाय, मैखुन-मैथा, अमा-मैखुननि लान्ना जानाया आथिखालनिल' बाश्ना नडा, गोदो गोदाय आजै-आजौमोननि समनिफ्रायनो बर'फ्रा बे थाखोनि मैगं-थायगंखौं जाबोदों आरो जागासिनोबो थायो। नाथाय खैफोदनि बाश्नाया जाहैदों-बेखौं सिनाइनानै जानो रोडैयाव। मैखुन जानो मोजां मोनोब्लाबो बर'फ्रा गोनोखो आदोबजों बाडाइ सम आरो बाडाइ खरसा गारनानै मैखुन आबाद खालामनानै जानायाव नाथाय दैलो। आथिखालाव जायगा लायै जायगा मैखुन आबाद खालामनानै फालांगि खालामनो एबा जानो थाखाय बिफानारिनि जोहै जोलै बेगर बुथुमनानै बे आबादखौं मावनायनि गोरलै खाबु आरो राहा दंसै। बेफोर राहानि गेजेरजोंनो-मैखुन आबाद दिखानानै मैखुननि आंखाल फोलोमनायजों लोगोसे फालांगियारि बिथिडैबो आबाद दैखांनो गोलैं जानानै फेबाय। बेफोर आदोबनि गेजेरजोंबो गावनो नांनाइसेबां मैखुन दिहु न्नानै गावनि नांगोखौं फोलोमनायजों लोगोसे गुबुनफोरनोबो फालांगियारि आदोबै मैखुननि साहिदाखौं सुफुं नो हायोब्ला रांखावरि आर्जिनायनिबो लामा मोनफुं नो हागौ।

दिनैनि फान्जामुथि

राशि बाइदियै मुंनि गिबि हांखो

मेषः अ ल	बृषः ऊ ब (उ ए इ)	मिथुनः क छ (ड घ)
कर्कटः ड ह	सिंहः म ट	कन्याः प ठ (ण ष)
तुलाः त र	वृश्चिकः ब न	धनुः ध भ (ढ़ फ)
मकरः ख ज	कुम्भः ग श (स)	मीनः द च (ख ञ झ)

- **मेघः** जेखियानो जाया गोथार हाबा मावनो हागोन। बे राशिनि थाखाय मोजां सान।
- **बृषः** जेखि मावा मावबाय थानाय खामानियाव मुलाम्फा मोन्नो हागोन।
- **मिथुनः** बेफर फालांगियाव मुलाम्फा खालामनो हागोन। दिनैनि साना मोजां सान। गोजोन मोनगोन।
- **कर्कटः** माबा मोनसे मुवा-बेसाद ख'हा जानो हागौ। रांखावरि जोबस्त्रांनो हागौ।
- **सिंहः** माबा मोनसे मोजां दोहोनफोर सोरजिनानै लानो हागोन। मोजां सान।
- **कन्याः** गोथार खामानि मावनो गोनां दडबा मावनो हागोन। शुभ दिन।
- **तुलाः** सोरजोंबाफोर सोमोन्दो गावस्त्रालायनाय जानो हागौ। जेखि जाया गोसोखौं हमथा।
- **वृश्चिकः** जेखि जाया खामानि मावा मानो मुलाम्फा खालामनो हागोन। मोजां सान।
- **धनुः** माबा मोनसे खामानि मावनायनि सुजुग-सुबिधा मोन्नो हागोन। गोसोखौं गोजोन मोनगोन।
- **मकरः** नख'र संसार जानायाव माबाफोर जेना नुजानो हागौ। गोसोखौं शान्ति गैयै मोनगोन।
- **कुम्भः** जेखि जाया नायनो एबा लोगो हमनो गोनां दडबा बेलासिनि 1 बाजिनिफ्राय मोजां।
- **मीनः** जेरावबो गोसोखौं शान्ति गैयै मोन्नो हागौ। गोसोखौं हमथाना था।

एटिएमनिफ्राय नोगोद रां दिहुननायाव 23 रां चार्ज लानाय जासिगोन

गोदान दिल्ली, 2 जुनः बायगिरिफोरा एटिएमनिफ्राय नोगोद रां दिहुननो थाखाय 23 चार्ज लानाय जासिगोन। गावारि सेक्टरनि एक्सिस बैंकआ एटिएम लेनदेननि थाखाय मासुलखौं बांहोनो थांगासिनो दं। बैंकआ सेबिं एकाउन्ट आरो ट्रास्ट एकाउन्ट मोननैनिबो थाखाय गावनि टेरिफ दाथायखौ आपडेट फोसावदों। बे आपडेटनि सिखव बे गावारि बैंकआ एक्सिस आरो एक्सिस नडे एटिएम मोनैनिबो थाखाय बेसेन नाडै सिमानि उनाव एटिएम ट्रेन्जेकसननि थाखाय मासुलखौं बांहोदों। एक्सिस बैंकनि बे सोलायनाया सेबिंस



एकाउन्ट, एनआरआइ एकाउन्ट आरो ट्रास्ट एकाउन्टफोरजों लोगोसे माखासे गोर्नाथि आरो बरगन्डी से गमेन्टनि बायगिरिफोरजों लोगोसे बायगिरिफोरखौ गोहोम

खोख्लैगोन। बैंकआ इंगिट होदोंदि, एटिएम लेनदेननि थाखाय गोदान मासुलआ 1 जुलाई 2025 निफ्राय गोहोम गोय्लैगोन। मुंख'जाथावदि, 28 मार्च 2025 खालि आरबिआइआ

मोनसे फोसावथाय फोसावदोंदि, एटिएम सोलाय-सोल'खालामनायनि मासुलखौ एटिएम नेटवार्कजों थि खालामनाय जागोन। आरबिआइआ फोसावथाइयाव

सनानि बेसेनखौं फिन दावखोनाय नुनो मोन्दों

गोदान दिल्ली, 2 जुनः सना आरो रुफाखौं आथिखालावबो इन्भेस्टमेन्टनि थाखाय मोजां होन्ना गनायनाय जायो। जेब्ला दिदोमथि गैयै थासारिआ बाडो, अब्ला सुबुंफोरा सना आरो रुफानि फासैं आवगायलाडो। भारतआव सना आरो रुफाजों सुबुंफोरनि गोजोन्नायाबो लोब्बा दडा। थांनाय सानफोरयव सनानि बेसेन दावखलायनायनि उनाव दिनै सनानि बेसेनखौं फिन दावखोनाय नुनो मोन्दों। 2 जुनखालि फुंनि समाव 10.01 एमसिएक्सआव 24 केरेट



सनानि हारआ 10 ग्रामआव 95,673 रां सोलिगासिनो दडा। बेनि बोसोनखौं 10 ग्रामआव 408 रां बांनाय थिसन्नो मोन्नाय जादों। दासिमआव सनाआ 10

ग्रामआव 95,866 रांसिम सौहैनानै रेकर्ड थिसन्दों। 2 जुनखालि फु डाव 10.04 एमसिएक्सआव 1 किःग्राः रुफानि हारआ 97,376 रांसिम

सौहैदों। रुफाआ दासिमआव मोनफ्रोम किःग्राःआव 97,122 रांसिम सौहैनानै ल' रेकर्ड बानायदों। बेजों लोगोसेनो मोनफ्रोम किःग्राःआव 97,400 रांसिम सौहैनानै हाइ रेकर्ड थिसन्दों। 30 मे, शुक्रबारखालि एमसिएक्सआव फुंनि 9.50 रिंगायाव 10 ग्राम सनानि बेसेनआ 95,990 रां सोलिगासिनो दडमोन। बेनि बेसेनआव 10 ग्रामआव 693 रां दावखलायनायखौं नुनो मोन्दोंमोन। 30 मे फुंनि 9.52 रिंगायाव एमसिएक्सआव 1

मणिपुरआव केवाइकेएलनि सा 6 केडारफोरखौं ग्रेप्टार खालामदों



इम्फल, 2 जुनः रबिबारखालि मणिपुर-म्यानमार हारिमायारि सिमनायाव मोनसे मख'जाथाव अपोरेशनाव भारतीय सान्त्रि आरो आसाम राइफल्सआ होबथाजानाय हान्जा कांलेइयल कांबा लुप (केवाइकेएल) नि सा 3 सोद्रोमाफोरखौं ग्रेप्टार


खालामदों। पुलिसआ रिपर्टनि बायदिब्ला, रैखाथि हान्जाफोरा मणिपुरनि माखासे सन्देह' खालामथाव जायगाफोराव सालायनाय उतखारि होबथा अपोरेशननि गेजेरजों थांनाय सान्थामआव सा 6 केवाइकेएल मावसुमाफोरखौं ग्रेप्टार

खालामदों। बावैसो ग्रेप्टार खालामनायजों गासैं अनजिमाया सा 6 जाबाय। खौराडाव मिबथिनाय बायदिब्ला, मिरुयारि जुथाइ हान्जाया तेंनौपाल जिल्लायाव तेंनौपाल पुलिस थानानि सिखव थानाय इन्द्-म्यानमार सिमना पिलार अनजिमा

87 नि खाथियाव अपोरेशनखौं जागायदों। बिसोरो मिखननि गेजेरजों सा 3 सुबुंफोरखौं ग्रेप्टार खालामदों। पुलिसआ उनाव ग्रेप्टार खालामनाय हौवाफोरखौं अटेइबम अजय सिंह (25), जाय काकचिं जिल्लानि सुगुन अबां मन्डप लेइकाइनि, लेइखुराम जन्सन मेइतेइ (22) मइरं त्रंगलबि अबां लेइकाइआव बिश्नुपुर जिल्लानि, आरो गलसेम सनाजबा सिंह (26) सिंगामेइ एकम्पट लेकाइआव सोनाब इम्फलनि होन्ना सिनायथिनाय जादों।

हादरआव करना भाइरासआ गोख्रैयै गोसारगासिनो दड

गोदान दिल्ली, 2 जुनः हादरआव करना भाइरासजों इन्फेक्टसन जानाय बेरामिफोरनि अन्जिमाआ बांगासिनो दड। मिरु देहा मावख'नि फासैंनिफ्राय समबारखालि फोसावनाय अन्जिमानि बादिब्ला, भारतआव कभिड-19 नि एक्टिभ केसआ बांनानै 4000 नि खाथिसिम सौहैबाय। बेजों लोगोसेनो सानफ्रोमबो जिउ गोमानायनि अन्जिमाआबो बांगासिनो दड। थांनाय 24 घन्टानि गेजेराव करनानि जाहोनाव साब्रै सुबुंफोरनि जिउ गोमादों। देहा मावख'नि अन्जिमा बादिब्ला, 2 जुन 2025 सिमआव हादरआव करनानि एक्टिभ केसआ 3961 जाहैबाय। थांनाय 24 घन्टयाव करनानि 47 केसखौं दिल्लीआव मोन्नाय जादों। बेजों लोगोसेनो दिल्लीआव कभिडनि 483 एक्टिभ केस जाहैबाय। अदेबानि हादरआव



करनानि बांसिन एक्टिभ केसआ केरेलायाव दड, जायनि अन्जिमाआ गासैं 1435। देहा मावख'नि बादिब्ला, थांनाय 24 घन्टयाव हादरनाडै 203 गोदान केस मोन्नाय जादों, जायजों एक्टिभ केसनि अन्जिमाआ बांनानै 3961 जाहैबाय। थांनाय 24 घन्टयाव जेराव करनानि केसआ बांदों, बेफोर जायगाफोरनि मुडा जादों-

अन्ध्र प्रदेश सा 7, बिहार सा 3, छतिसगड़ सासे, दिल्ली सा 47, गुजराट सा 18, जम्मु काश्मीर सा 2, झारखन्ड सा 5, कर्नाटक सा 15, केरेला सा 35, मध्य प्रदेश सा 4, महाराष्ट्र सा 21, अडिशा सा 3, राजस्तान सा 7, सिक्किम सासे, उत्तर प्रदेश सा 8 आरो सोनाब बंग सा 44। देहा बिफाननि फोर्मायथि बादिब्ला, 22 मे 2025 आव भारतआव

करना भाइरासनि गासैं 257 एक्टिभ केसखौं थिसन्नाय जादोंमोन। नाथाय थांनाय 10 सानआव बे केसआव गासैं 1300 जौखोन्दो बांनायखौं थिसन्नाय जादों। बांसिन केसखौं केरेलायाव मोन्दों होन्नानै मिथिनो मोन्दों, जेराव 1435 एक्टिभ केस दड। महाराष्ट्रआव 506, अदेबानि दिल्लीआव 483 एक्टिभ केस थिसन्नाय जादों।

बुंदों, बेसेन नाडैट्रेन्जेकसननि सिमा जोबनायनि उनाव, बायगिरिनिफ्राय मोनफ्रोम ट्रेन्जेकसननि थाखाय गोबांसिन 23 रां लानो हागोन। बेयो 1 मे 2025 मायथाइनिफ्राय गोहोम गोय्लैगोन। जदि ट्रेन्जेकसनआव माबाफोर खाजोना बाहायजायोब्ला बेखौं आलादायै होनाय जागोन। गोर्नाथि बायदियै सोलायनायजों लोगोसे बे बिथोनफोरा नोगोद रां बाहायफिनग्रा जुन्थिफोराव (नोगोद रां जमा खालामनाय लेनदेननि अनगायैबो) लेनदेनफोरावबो बाहाय जागोन। एक्सिस बैंक आ

आथिखालाव बेसेन नाडि सिमा जोबनायनि उनाव मोनफ्रोम ट्रेन्जेकसननि थाखाय 21 रां लायो। बबेखानि 1 जुलाईनिफ्राय सोलायनाया गोहोम गोय्लैनायनि उनाव मोनफ्रोम लेनदेननि थाखाय 23 रां लानाय जागोन। बेनि ऑथिया बेनोदि, बे सोरखारि नडि बैंका आरबिआइनि नेमखान्थि बायदियै एटिएम ट्रेन्जेकसननि बेसेन नाडै सिमानि उनाव मोनफ्रोम ट्रेन्जेकसननि थाखाय मासुलखौं 2 रां बांहोगोन, जायजों बायगिरिफोरा 23 रां होगोन। नेम बायदियै, जुदि नोंथाड गुबुन बैंकनि एटिएम बाहायगासिनो दंब्ला नोंथाड मेट्र' नोगोरफोराव गोबांसिन 3 बेसेन नाडैट्रेन्जेकसन खालामनो हागोन आरो दानसेआव मेट्र' नडेनोगोरफोराव गोबांसिन 5 बेसेन नाडैट्रेन्जेकसन खालामनो हागोन। नोंथानि बैंकनि एटिएमखौं बाहायगासिनो दंब्ला नोंथाड दानसेआव मोन 5 बेसेन नाडैट्रेन्जेकसन खालामनो हायो। बेसेननाडै लेनदेननि सिमाखौं बारलांनायनि उनाव मोनफ्रोम ट्रेन्जेकसननि थाखाय नोंथाड 23 रां होनांगोन।

NAME CORRECTION

That, I used to write my father's name & surname as Upendra Gayary which is recorded in my relevant papers, documents.

That, Viz, Dangka Boro, S/o, Lt. Bakala Boro was recorded in the Dag No.186, P/No.24, Dogorgaon Vill, Dokra Mouza, Sri Dangka Boro, S/o, Bakla Boro was recorded in the TARY Dag No.10, P/No.16, Bangalpara Village, Dokra Mouza and Kr Dav Sri Dangkaram Boro S/o,Lt. Bakala Boro was recorded in the Bag No.154, P/No.18 & Dag No.155, P/No.18, Kathalgur Dokra all are under Kokrajhar Revenue Circle in place of actual & correct name & surname as Upendra Gayary.

That, Upendra Gayary, Dangka Boro, Sri Dangka Boro & Sri Dangkaram Boro are/were same and one identical person i.e. my deceased father.

Dharmeswar Gayary
S/O.- Late Upendra Gayary
Vill.- Dogorpara
P.O.- Salakati (Salakati Out Post)
P.S. & Dist.- Kokrajhar BTR Assam

NAME CORRECTION

That the actual and correct name of my father is "Abhay Charan Barman" which is recorded in my all relevant documents including my Aadhar Card, Vide No.9151 1997 8797 and Pan Card, Vide Permanent Account No. ARIPB0981C.

That, I and my elder brother namely "Mintu Barman" are the joint owner and possessor of a plot of land measuring OB-1K-5Ls, covered by Patta No. 1425/4391 and Dag No.5838 which is situated at Rabindranagar, Ward No.3, Kokrajhar Town under P.O., P.S.- Kokrajhar, Revenue Circle- Kokrajhar and Dist- Kokrajhar, BTR, Assam.

That, in the records of right/jamabandi for surveyed villages of our said plot of land the name of my father has been recorded as "Abhay Charan Barman" against the name of my said brother. But due to bona fide mistake the name of my father has been wrongly recorded as "Sri Abani Charan Barman" against my name instead of his actual and correct name "Abhay Charan Barman" therein the sald records of right of our said plot of land.

That, I do hereby declare that "Abhay Charan Barman" and "Sri Abani Charan Barman" is the same and one identical person who is none other than my father.

Mrinal Kumar Barman
S/O.- Abhay Charan Barman
Rabindranagar, Ward No. 3, Kokrajhar Town.
P.O., P.S. & Dist.- Kokrajhar BTR Assam.
PIN- 783370.

नख'रमन्थि अमित शाहआ गिबि मन्थि शर्माजों

आसामनि थासारिनि सायाव सावरायदों

सा-सान्जा भारतआव दै बानाजों गाज्रि थासारि सोमजिदों,

सिक्किमआव सा 32 सुबुंफोरनि जिउ गोमाबाय



गुवाहाटी, 2 जुन: आसामआव दै बानानि थासारिआ गोब्राब महर लानो हमदों। मोन 10 गाहाइ दैमाफोरा खैफोदनि सिमना बास्तानै बोहैगासिनो दइआरो दर 15 निबो

जानाय बादियै हेफाजाब होनो खोथा होयो। शाहआ साननि सिगां बाहागोआव गिबि मन्थि हिमन्त बिश्व शर्मानो फन खालामो आरो राइज्योनि थासारिनि खौरां लायो। अमित शाहआ एक्सआव लिरदोंदि, आसाम, सिक्किम आरो अरुनाचल प्रदेशनि गिबि मन्थि आरो मनिपुरनि गभर्णरजों सावरायो। बिसोर जायखि-जाया थासारिनिफ्राय बास'नो थाखाय जेब्लाबो मदद होनो खोथाबो होयो। मदि सस्कारआ सा-सान्जानि सुबुंफोरजों लोगोसे गसंफनानै दइा दै बानानि सोमोन्दै शर्माआ बुंदोंदि, दै बानाया गोनांथि जानाय सिबिथायफोरखौ गोब्राबै हेंथा होदों।

गोदान दिल्ली, 2 जुन: भारतनि सा-सान्जा राइज्योफोराव अखाजों गाज्रि थासारि सोमजिदों। माखासे राइज्योफोराव सुबुंफोरा अखाजों गाज्रि रोखोमै गोहोम गोग्लैदों। दै बानानि जाहोनाव 19 रोजानिबो बांसिन सुबुंफोरा गोहोम गोग्लैदों होन्नानै बिबानगिरिफोरा बेनि खोरां होदों। बिबानगिरिफोरा मिथि होदोंदि, थांनाय सानब्रैआव लान्थियै थाद'नाय गयै अखा हानायनि जाहोनाव दै बाना जानायजों 3,365 न'फोरा सिलिंखार जादों। बिब्दिआव सुबुंफोरनि जेनाफोरखौ बाइइ खालामनो थाखाय गं 31



रैखाथि बादोफोर फसंनाय जादों, बयनिखुइ बांसिनै सोनाव इम्फल जिल्लाआव फसंनाय जादों। सेनापति जिल्लाजों लोगोसे सान्जा इम्फल जिल्लानि हिनगां, बांखेइ आरो खुइ बिधान सभा ओन्सोलआव बांसिन गोहोम गोग्लैदों। सा-सान्जा राइज्योफोर जेरै आसाम, सिक्किम,

मिज'रम, अरुनाचल प्रदेश आरो मनिपुरआव लान्थियै अखा, दै बाना आरो हा गिसि खानायजों माखासे सुबुंफोरनि जिउ गोमादों आरो माखासे जोखोम जादों। बबेखानि सिक्किमआव राहा गोथेजानाय टुरिस्टफोरखौ दा पुलिस, जायगानि नोगोरारिफोर, हाग्रा-बिफाननि मावसुमाफोर

आरो लाचुं हटेल एस'सिएसननि नाजानायजों सांग्रोंडै दिहुन्नाय जागासिनो दइ। मिथिहोनाय जायोदि, सा 32 सुबुंफोरा जिउ गोमाबाय। अरुनाचल प्रदेशनि बाथ्रा सावरायोब्ला बे राइज्योआव सान्थिआ दा सा 14 सुबुंफोरखौ रेस्कु खालामबाय।

इउक्रेनआ रासियानि सायाव इनजों गाग्लोबनानै बम

गावग्रा गं 40 उरां जाहाजफोरखौ सिलिंखार खालामदों

मस्क', 2 जुन: इउक्रेनआ थांनाय रबिबारखालि रासियानो गोखों फिन्नाय होनानै साइबेरियाआव थांनाय गुन्दासा गाग्लोबनायाव जाफुंसारनो हाग्रा बम गावग्रा उरां जाहाजफोरनि बेलाया अख्रामा सान्थि गाथोनआव इन गाग्लोबो। बे गाग्लोबनायाव रासियानि अख्रामा सान्थिनि गं 40 निबो बांसिन उरां जाहाजफोरखौ गोबां खहा खालामनायनि खौरां मोन्नाय जादों। इउक्रेननि गाग्लोबनायनि उनाव माखासे उरां जाहाजफोरा उखुन्दै खुनाय नुनो मोन्दों। बेराफार्से, बे गाग्लोबनायाव रासियानि एयारबेसखौ खहा खालामनायनिबो खौरां मोन्दों। इउक्रेननि इनआ रासियाआव 4300 कि:मि: सिडाव थांनाय अख्राना सान्थि गाथोनआव गाग्लोबदों। रासियानि माखासे गुबुन अख्रामा सान्थि गाथोनफोरनि सायावबो गाग्लोबनायनि खौरां मोन्नाय जादों। बेनि गेजेरजों



रासियाआबो इउक्रेननि सायाव बयनिखुइ देरसिन उरां जाहाजजों गाग्लोबदों। बे गाग्लोबनायाव इउक्रेननि गुबुन गुबुन सहरफोराव गं 472 इन

आरो मोन 7 मिसाइल गावहरो। इउक्रेन सान्थिनि ट्रेनि सेन्टारआव सानै सान्थिफोर थैनाय आरो सा 60 जोखोम जानायनि खौरां मोन्नाय जादों।

इउक्रेन सुलुंनि बादिब्ला, गाग्लोबनायाव रासियानि टियु-95 आरो टियु-22 बम गावग्रा उरां जाहाजफोरखौ नोजोर होनाय जादों। बे उरां जाहाजजों

रासियाआ जेब्लाबो इउक्रेननि सायाव बेलेस्टिक आरो हाइपार्सिनिक मिसाइल गाग्लोबोमोन। इउक्रेन बिबानगिरिफोरा फोरमायनाय बादिब्ला, कन्टेनरआव इन दोन्नानै बेफोरखौ ट्राकजों रासियानि सिमना सिडाव लानानै गाग्लोबो आरो बेलाया अख्रामा सान्थि गाथोनजों लोगोसे रासियानि माखासे अख्रामा सान्थिफोरनि केम्पफोरखौ नोजोर लाखिनाय जादों। अदेबानि बे गाग्लोबनायखौ 1 खावसे बोसोर थियारि खालामनायनि उनाव खालामनाय जादों।

फ्रान्सआ उतखारिफोरनि हेंथायै जिर' टलेरेन्सखौ हेफाजाब होयो

पेरिस, 2 जुन : मिरुयारि फालांगि आरो उद्यग मन्थि पियुष गयेलआ पेहेलगाम उतखारि गाग्लोबनायनि उनाव मदत खालामनायनि थाखाय फ्रान्सनो साबायखर होदों। लोगोसे उतखारिनि हेंथायै दरनैबो हादतआ जिर' टलेरेन्सखौ गोनांथि होदों। पियुष गयेलआ 1-5 जुनसिमाव फ्रान्स आरो इटाली दावबायदों। सिगांनि सानथामआव बिथाडा फ्रान्सआव थागोन। बिथाडा उतखारिफोरजों दावहा नांनो



नाजानायफोरनि सायाव फ्रान्सनि गेजेराव गोथोयै बुजिलायनायखौ सावगारि बोदों। मिरुयारि मन्थि पियुष गयेलआ फ्रान्सनि सुबुं आरो

सरकारबो भारतनि उतखारिनि हेंथायै जिर' टलेरेन्सखौ लाखियो। बावैयो सिगां भारत

दावबायग्रा फ्रान्सनि सिनेटनि थान्दै आफादआ भारतखौ आबुडै मदत खालामदोंमोन आरो जोंहा फोथायनाय दर्ददि, जेब्ला जों गासै रोखोमनि उतखारिफोरनि हेंथायै दावहा नांगसिनो दं, अब्ला गासै मुलुज जोंजों लोगोसे दंफायो। मिरुयारि मन्थिया 2015 आव पेरिस उतखारि गाग्लोबनायखौ मख'नानै उतखारिनि सायाव दरनै हादतफोरनि गेजेराव समान्थिफोरखौबो फोरमायो।

मेघालय बिजेपिआ खैला नायबिजरनायाव

गोबाव जानाय बाथ्राखौ नेवसिगारदों

शिलं, 2 जुन: मेघालयआव बिजेपिआ बै राहाफोरखौ नेवसिगारदोंदि, बिसोर राइज्योआव आइन बेरेखा खैला जावनाय आरो हान्था-मेलानि



एन्टेरिम नायबिजरनायखौ होबथागासिनो दइ। दोलीनि दैदेनगिरिआ बुंदोंदि, बे कमिटिनि रिपर्टआ गोबाव जानाय आरो नायबिजरनायनि आंखालखौ लानानै सावरायनायफोरा बांनायनि गेजेरजों आबुं जानायनि खाथियाव सौहैबाय। बिजेपिआ जागायजेन्नायाव कमिटिखौ गोखों समाजयारि खौरांजों लोगोसे दादों, जाय लान्थियै

राइज्यो सरकारफोरखौ जेना गोनां खालामगासिनो दइ। आथिखालाव कमिटिनि गोबाव सम सिरियै थानाय, जर'खायै बेनि आफादगिरि बर्नाइ मारकनि सिरियै थानाय पाटिनि थांखिफोरनि सायाव सन्देह सोमजिगासिनो दइ। आथिखालाव कमिटिआ 40 साननि सम सिमना मोनबाय, जायनि उनाव सत्ताहनैनि थाखाय बांहोना होयो। आथिखालाव मावख'यारि आपडेट एबा रिपर्टनि थासारिनि सोमोन्दै फोरमायैआ 2 दान जालांबाय। सोंखारिआ आरो राजखान्थियारि हेंथा होग्राफोर बिजेपिनि सायाव नंखाय खोथा होनाय आरो नेमखांथि फालियैनि दाय जाबसिन्दों। बेराफार्से बिजेपिनि राइज्यो आफादगिरि बिबुंथिगिरि मरियाहम खारकंआ बे दायफोरखौ नेवसिगारदों। बेनि रिपर्टखौ जोबथा महर होनायनि बिबानआ कमिटिनि आफादगिरिनि सायाव।

रडिया डिभिजनआव रैखाथि बांहोनायनि खामानि

टेन्डर फोसावकाइ नं.: आरएन-एसडि-06-2025-26। अक्ट: 28-05-2025। गाहायाव होनाय खामानिनि थाखाय नं.: टेन्डर होखायदों। टेन्डर नं.: आरएन-एसडि-06-2025-26। खामानिनि सुं: रडिया डिभिजनआव एएफडिएएस (अट'मेटिक फायर क्रेटस्स एड फायर एलार्म सिस्टम) खौ फिकाबरी, रेन्डरि आरो मडिफाइ खालामनायजों रैखाथिखौ बांहोनायनि खामानि। टेन्डरनि बेसिन: 2,35,44,000 रं। अग्रिम रं: 2,67,700 रं। टेन्डर जोबनायनि सम आरो अक्ट: 23-06-2025 नि 15:00 रिगा आरो 15:30 रिगायाव जागायोन। बांसिनै रोखायै मिबिथिनो थाखाय www.ireps.gov.in आव नायनो धगोन। डिआरएम (एस एन्ड टि), रडिया

सा-सान्जा सिमना रेलवे

मिन्सुनायजों ग्राहकफोरनि सिबिथाइ

Notice for Contractual Recruitment under National Mission on Edible Oils-Oil Palm (NMEO-OP)

Directorate of Agriculture under the aegis of Department of Agriculture, Government of Assam, invites applications in prescribed format from eligible candidates as per **ToR published in the website <https://diragri.assam.gov.in/>** for filling up the following positions.

#	Name of Positions	No. of positions	Place of Posting
1	MIS Executive - Statelevel	1	Directorate of Agriculture, Assam, Khanapara, Guwahati 781022
2	MIS Executive - District Level	18	Cachar, Karimganj, Hailakandi, Kamrup, Goalpara, Chirang, Sonitpur, Lakhimpur, Dhemaji, Dibrugarh, Tinsukia, Jorhat, Golaghat, Nagaon, Udalguri, West Karbi Anglong, East Karbi Anglong, Dima Hasao

Note:

- Applications along with all relevant documents should be e-mailed to nmeoophiringstaff@gmail.com latest by **5.00PM 13th June 2025**.
- Interview of shortlisted candidates will be held as per schedule detailed below:

Name of Position	Date	Time
MIS Executive - District level	19.06.2025	09.00AM to 5.00 PM
MIS Executive - Statelevel	23.06.2025	09.00AM to 5.00 PM

- In case of larger number of shortlisted candidates, interview will be continued on next working day.
- On the date of interview, Candidates will need to bring all the original certificates/ documents relating to their educational qualification, experience, age, experience Certificate from previous/present Employer if any, latest salary certificate, NoC from current employer (as applicable), two passport size coloured photographs, etc. and a set of self-certified copy of the same as mentioned in the ToR.
- Shortlisted candidates list will be uploaded at <https://diragri.assam.gov.in/> on **13th June 2025**.

Sd/-

Director Agriculture

Government of Assam

DIPR /DF/BSA3463-Jun-25

No. SDI/NIT/OP/I-2024-25/595

Dtd. 30/05/2025

NOTICE INVITING TENDER

Sealed tender affixing Court fee stamps of Rs. 8.25 (Rupees eight and paise twenty five) only in prescribed Form subsequently to be drawn in A.P.W.D. F-2 Form are hereby invited from the Class-I, II & III category registered contractor of Irrigation Department for the following works (**Under MPLAD (RS) fund for the year 2024-25**). The tender will be received by the undersigned up to 2.00 P.M. of **20/06/2025** and will be opened at the same place, date and hours in presence of the tenderer or their authorized agents. Due to any reason if the office remains close on the above specific date, the tender will be received and opened on the next working day at the same place and time.

Detailed particulars and tender papers may be obtained from the office of the undersigned during working hour up to 12.00 Noon of **20/06/2025** on payment of **Rs. 200.00 (Rupees Two hundred)** only through I.P.O. duly pledged to the undersigned or in cash if I.P.O. is not available.

Name of work : Restoration of R.S afflux bund and improvement of upstream floor of Ujanigaon FIS under Kodomtoli VCDC under MPLADS(RS) fund, 2024-25. **Estimated amount (Approx.): - Rs.15,00,000.00 (Rupees Fifteen Lakh) only.**

Time of completion: - 90 (Ninety) days from the date of issue of formal work order.

Sd/-Executive Engineer,

Sidli Division (Irrigation), Dhaligaon.

IPR(BTC)/C/2025-26/574

No. UDB/Tender /01/2022-23/

Date: 02/06/2025

SHORT NOTICE INVITING TENDER

Sealed tender affixing a non- refundable Court fee stamp of Rs. 8.25 (Rupees eight & twenty five paise) only with a validity period of 180 Days which will subsequently to be converted and drawn up in the printed of F- 2 form are invited from the registered contractors of Class –II and Class –I (A,B, & C) category of Assam PWD (Road & Building) and BTC according to their eligibility for submitting tenders for the works under SOPD & various schemes under BTR for the year 2023-24/2023-24 during 2024-25 & other financial years as stated below. The tenders will be received by the undersigned up to 12.00 Noon on 25/06/2025 and will be opened on the same date & place at 2.00 P.M.

Sl. No.	Name of work	Tender Amount (In Lakhs)	Cost of Tender Paper	Time of Completion of Work
1	Const of HPC at Agoraibari near Sopon Mochahari house under 6 th ASFC	4,50,000.00	Rs.500.00	3(three) months from the issue of Formal Work Order
2	Const of road with sand gravel from No 1 Batabari to Kasitola under Sapangaon vcde of Udalguri Dev Block under AWDC	9,00,000.00	Rs.500.00	3(three) months from the issue of Formal Work Order
3	Const of road with sand gravel from No 2 Saphaitya to Bagantola under Barnagaon vcde of Udalguri Dev Block under AWDC	5,00,000.00	Rs.500.00	3(three) months from the issue of Formal Work Order

Detailed N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 03/06/2025 to 25/06/2025 in the office of the undersigned on payment.

Sd/-Block Development Officer

Udalguri Development Block

IPR(BTC)/C/2025-26/573

সা জামুগুরি গোজৌসিন গেজেরাৰি ফৰাঘসালিয়াব এমএলএ পদ্ব হাজ ’ৰীকাআ নুজাথিহৈদৌ

গুৱাহাটী, 2 জুন: জামুগুরি হাথনি ধলায়বিলআব 1953 মাঈথায়আবনো গাঈসনজানায সা জামুগুরি গোজৌ গেজেরাৰি ফৰাঘসালিখৌ আসাম সরকারনি সোলৌথাঈ বিফানআ সোলিফু বোসোরনি এপ্রিল দানআব গোজৌসিন গেজেরাৰি থাখোআব ফোজৌখানাযখৌ ফোসাবদৌমোন। বেনি উনাবনো দিনৈ ফৰাঘসালিয়াব গোজৌসিন গে জেরাৰি থাখোনি মোনসে জুরিজে'নায় হাবাফারিনি থাখায় মোনসে হাবাফাৰি ফৰাঘসালিনি সামলায়গিরিয়া মাৱফু'নায়খৌ নুনো মোন্দৌ। বে হাবাফাৰিয়াব গাহাঈ আলাসি মহৰৈ সতিথানি এমএলএ পদ্ব হাজ 'ৰীকায়া বাহাগো লানো হানাযখৌ নুনো মোন্দৌ। বে হাবাফাৰিয়াবনো এমএলএআ ফৰাঘসালিখৌ



গোজৌসিন গেজেরাৰিনি 11 থাখোনি ফরা ফোরৌথাঈ হাবাফাৰিখৌ জাগায়জে'নায়নি বাথ্ৰা ফোসাবনানৈ হোযো। ফৰাঘসালিনি সামলায়থাঈ আরো ফোজৌখা' আফাদনি আঈজো দৈদে'নগিরি অবন্তি ভাগ 'ব'তীনি সামলায়নাযাব খু'ফু'জানায হাবাফাৰিখৌ দৈদে'নো গাহাঈ

ফোরৌগিরি দিফ হাজ 'ৰীকাআ। হাবাফাৰিয়াব মখ 'জাথাব আলাসি মহৰৈ সনিতপুৰ জিল্লা ফৰাঘসালি নাযগিদি'গ্ৰা প্রবাত চন্দ্ৰ দাসআ বাহাগো লানো হানাযখৌ নুনো মোন্দৌ। ফৰাঘসালিনি আজিরা মো'নায় গাহাঈ ফোরৌগিরিফোরজৌ লোগোসে ফোরৌগিরি মাৱফাৰিয়াফোর আরো

ফৰাঘসা-ফৰাঘসুলিফোরনি নুজাথিনাযাব খু'ফু'জানায হাবাফাৰিয়াব এমএলএআ ফৰাঘসালিনি সাঈকেল স্টেণ্ড লুফু'নায়নি থাখায় 2 লাখ রং আরো গেলে'গ্ৰা ফোথার ফোজৌখানাযনি থাখায় 37 লাখ রং হোনায জাগোন হো'ন্লা ফোসাবনাযখৌ নুনো মোনদৌ।

গৌরিপুরআব পুলিশআ পিस्थलजौं लोगोसे सानै लाइमोनखौ हमदौं



गुवाहाटी, 2 जून: धुबुरी जिल्लानि सिङव थानाय गौरिपुरआब मोनसे दावराव-दावसि थासारि सोमजिनायखौ नुनो मोन्दौ। जाथाइनि

(1 बिलाइनिफ़्राय)

केभिकेनि बान्जायनायाव सराइबिल-जनालि गामिआव जौगाखांनाय आबाद बिथांखि मिसन हाबाफारि खुंदौं

गसाइगाव आबाद बिज्ञान मिरु सुंद 'यै केभिकेनि बान्जायनायाव आरो ना,जुनाद फिसिथाइ आरो जुनाद फाहामथाइ बिफाननि हेफाजाबाव खुं'नाय हबाफारिखौ केभिकेनि बिगियानगिरि सान्तनु कौसिक बराआ सामलायदौं। बराआ सिगांग्रो खारिफ आबाद मावनायनि सोमोन्दै राइजो-राजाफोरनो बेसेन गोसा बोसोन बिबुंथि होनायजौं लोगोसे गोजौ थाखोनि जौलै बेगर, हासार आरो हानि हासार गोनं गोहोनि सोमोन्दै सांग्रांथियारि बिबुंथि लाखियो। केभिकेनि बिगियानगिरि आरो सुबुं समाज बिज्ञाननि आयदाफारि एक्सपार्ट पुर्णा शर्मानि सामलायनायाव खुंजानाय मोनै हबाफारिआब नुजाफैनाय गुबुन-गुबुन बिफाननि बिबानगिरि आरो मान गोनं सुबुंफोरा गावसोरनि बिफाननि सरकारि बिथांखिफोरजौं लोगोसे खाबुफोरनि सायाव बिबुंथि लाखियो। नुजाथिफैनाय मण्डलआरि आबाद बिजिरसंग्रा मिरुनि बिगियानगिरि ङ बिनद उप्पाछायआ आबादनि समाव आबाद थिलियाव नुनो मो'न्याय एम्फौ एनलाफोरनि सायाव गावनि बिबुंथिखौ होनानै बेखौ होबथानायनि सोमोन्दै राइजो-राजाफोरनो फोरमायना होयो। नुजाफैनाय ना बिफाननि बिबानगिरि बदिद जामान पकिरआ आबाद थिलिनि सायाव गावनि बिबुंथिखौ लाखिदौं। नुजाफैनाय जुनाद फिसिथाइ आरो जुनाद फाहामगिरि ङ ध्रुबज्यति रामसियारिआ अमा, दाव फिसिनायनि सायाव गोनं बोसोन होनायजौं लोगोसे बिसोरनि बेराम जानायखौ सामलायनायनि सोमोन्दै राइजो-राजाफोरखौ सांग्रां जाहोनो बोसोन होयो। बिगियानगिरि पर्णा शर्माआ आइजो जौगाखांनाय, गुबुन-गुबुन आदार थियारि खालामनाय, निलेटनि बेसेनखौ थि खालामनायनि सायाव बिबुंथि होनायजौं लोगोसे आइजो गावसुंथा हान्जाखौ गावनि आथिङाव गसंथानायनि थुलुंगाखांनाय बोसोन होयो। हबाफारिआब आबाद बिफाननि बिबानगिरि जुलियाना बसुमतारी, राकेस बर', देबजित हाज 'वारि, एएसआरएलएमनि बिबानगिरि प्रकास नार्जारी आरो मुक्तिराज मुसाहारिमोनजौं लोगोसे मोनैबो हबाफारियावनो गासै 500 निखुइ बांसिन आबादारिफोर आरो राइजो-राजाफोरा बाहागो लाफेदौं।

सुफुंगोन आय बिमानि मोदैखौ

जोनोमगिरि आय बिमा जोनोम होदौं नौं जौखौ बे फैलाव बुहुम बिखायाव। सुकु दुखुनि गेजेरजौं फेहेरदौं फोलावदौं नौं जौखौ आय बिमा जोनोमगिरि सुफुंदौमोन नौं आय बिोमा फिसानि गांनाय उखैनाय। नाथाय दिनै मानिबा दुखु दाहायाव आयनि मेगननिफ्राय बोहैदौं दुखुनि मोदै। रावबो मिथिया आय बिमानि दुखुनि मोदैखौ। जेब्लाबो जाखां फैयो आयनि मोखाङाव जोमै दाखिफबना। नाथाय आं दिनै आय बिमानि गांनाय उखैनाय दुखु दाहाखौ हमदांनो हाबाय। जोनोमगिरि आय बिमा थैस थांस नाजागोन आं जेब्लाबो नौं बिमानि दुखुनि मोदैखौ सुफुंनो

निजोम बसुमतारी
गामि- आमलाइगुरि (सालाकाति)
ला:सो:- सालाकाति
जिला- कक्राङ्गार बि टि सि आसाम।

संसारनि लामाया गोथौं नङ।

मिथिंगानि बिखाया बेसेबां समायना दानो गोजा दानो गोमो, दानो गोसोम बाइदि गाबनि महर लायो। सुबुंनि जीउआबो दानो गाबनाय, दानो मिनिनाय, बेसेबां समायना। संसारनि लामाखौ रावबो सान सनो हाया, बयनिबो खाफाला समान नोंहा मिनि रंजा सोरबाया गाबनाय सोरबा रसा नांदौं, गुबुनआ मोनजादौं। नोंहा सानसे गाबगोन, सानसेआवनो नौं मिनि फिनगोन। नोंहा दासो मिनि रंजा, दानो नौं मा, जागोन जेबो मिबथिया बेफोर जादौं खाफालनि लिरनाय आरो इसोरनि माया गेलेनाय। संसाराव धोनि आरो गरिब मानसि थायो। बेफोर जादौं खाफालनि लिरनाय मानसि हारिआ गावजौं गाव धोनि, गरिबफोरखौ लानानै सानना लायो। गरिबखौ गरिब होन्नानै सानना दाला धोनिखौ धोनि होननानै दुगा दाजा। बेफोर जादौं सानसे साननैनि थाखायल' संसारनि लामायाव सोरबा गाबनांदौं सोरबा मिनि नांदौं, बेखौ रावबो मिथिनो मोना।

श्री बिरदाव ब्रह्म
ला:सो:- दुमारी गुरी
जिला- क'कराङ्गार बि टि सि आसाम

रंजालि गथ'फोरनि सौरा

फैमाल मिजिं

श्री सुदेम नार्जारी

बिलिफां नौं आंनि रजे,
बैसो सुथिनि गिदिं'नाय सांनि
इयुननि बै खोमसि दरसिनि थरसे
गोजौ नखांनि नौं आंनि अलं'बार।
सिमां फुरिनि नौं आंनि
फागुन दाननि सान्दुंजौं रानसावनाय
सोलेरखौ फिसिग्रा नौं आंनि
थरथिंसे बोहै'नाय गोदै निजोरा।
नाथाय थारै'नो बेयोदि हर गेजेरनि
सिमांनि मोजां मोनलायनायनि भावथिनासो,
थारै'नो आं लौंनो नागिरनाय निजोराया
फागुननि बारजौं सिरिनाय बारजौं होथे
जानायसो।
सायखं बायदि दावद्रोदनो गोरों,
जोमै बायदि बिलिरनो गोरों
सान्दौमोन आं आंनि गरेमसा बिफांआव
नो'खौ'नो बासा बोहो'नो।
नाथाय मुनुष मायानि आरो सोरगिरिनि
गेजेराव बेसेदि फाराग दङ
माथो दिनै थ'फिनाय बिबारनि मिनिनाया
सान गोरलै'यावनो लहराइ लांबाय ?
सान्दौमोन आं दौंसे मालायावनो सानैजौं गसंनो
जुलिनि बै थिलियाव नाथाय 'खार' खान्दाय बिबारजे
सानाव गेवलां गेवथां बारनो हाया ?
मिथिया आं जिउआव फेलेंआ बेसे गुवार
नो'खौ'नो हास्थायनाया फैमालनि इन्जुराजे
बेसे गुवार आरो बेसे गोलाव।

आंनि दाबुं

धोनखौ लानानै हा-हु मानसि थासारि
बे संसाराव धोनखौ मोनबाय थाया।
रां खावरीखौलाय मा, सानदौं ?
दिनै दं गाबोननो गैया।
मुनुष माया मोनथिनानैबो
मानो मोनथिसवा।
आय! माखौ लानानै मानसिया
सानो गावखौ गेदेर ?
मानसिनि जीउआ खालि माया-
आय! खालि माया
हाबाब! थास' बिलाइनि दै बादिसो
दानो दङ दानो गैया।
मुनुष-माया मोनथिनानैबो
मानो मिथिस'वा!
मानो सानस हाया
आय, माखौ लानानै देरगानो
सानो गावखौ गेदेर ?

मुश्री दमासु मोसाहारी
ला:सो:-बिन्धा खाता
जिला-क'कराङ्गार, बि टि सि आसाम

बिहारनि अररिया जिल्लानि

बिस्कुट फेक्ट्रिआव गिखंथाव अरनांदौं



अररिया, 2 जून : बिहारनि अररिया जिल्लायाव नरपतगन्ज ब्लकनि फुलकाहा बाजारनि सिङाव थानाय वार्ड नाम्बार 3 आव रबिबार हर गेजेराव गंसे बिस्कुट फेक्ट्रिआव गिखंथाव अर नांदौं। बेवहाय लाख लाख रंनि बेसादफोरा खामनानै सेव हांगार जादौं। जाथायनि फारसे खौरं मोन्नायाव फुलकाहा पुलिसआ जायगायाव सौहैनानै अर लुखोमोस्रानि नमाजानायजौं अरखौ खोमोरनो नाजादौमोन, नाथाय अरआ औरैबायदि गिखंथावमोन फारबिसगन्ज एबा नरपतगन्जनिफ्राय अर लुखोमोस्रा गारिखौ बि्रहरदेरनो गोनं जादौं। 3 घन्टानि उनाव अरखौ आबुडै लुखोमोरनो हायो। बे जाथायाव सा 3 लेबारफोराबो जोखोम जायो। अदेबानि सा 10 लेबारफोरा गावसिनि जिउखौ रैखा खालामनानै ओंखारबोनो हादौं। मिबथि होनाय जायोदि, बेनि सिगं 25 मेखालि मोनायाव बसमतिआ बाजाराव थानाय राइस मिलआवबो गिखंथाव अर नांदौमोन, जेराव लाख लाख रंनि माइ आरो माइरंआ खामदौमोन। बे अर नांनाया मोब्लिब शर्ट सार्किटनि जाहोनाव नांदौमोन।

रजे

रैरुब महरा
जावलि्या जाहोयो
ऐ अनजालि नौं हायनारि।

रादायखौ खाबाय
जुलिनि खबामखौ
ऐ खैना दाजाथ' बोदोर।

रिंखांगोन देंखो
जुलिनि मन्दबआव
ऐ ददेरे जारौ गावदां।

गलाप खुंगुर बसुमतारी,
कक्राङ्गार।

सुबुंथिनि हास्थायनाय

नै सुबुंथिनि थान्दै
नौं थारै'नो बर' हारिनि गेजेराव
उजिनानै राव, थुनलाइ, हारिमुखौ,
भुमाव गरेमसा खालामनो
नाजानाया ओरै'नो थांगाराखे।
नै सुबुंथिनि थान्दै
नौं दिनै भुमाव थानाय गासैबो
बर' माहारिखौ खौसे
खालामनानै गावजौं गाव
एना एनि सानलाइनाय सानसि्रखौ
फोजोबझानानै हारियाव
गोग्गो गोथार अनज्लायनायनि
थासारि लाबोनो नाजानाया
आद्रा जानानै थालांबाय।
नौं दिनै बर'नि गोग्लैसोफिननो
नागिरनाय रावखौ नौंनि
मेंनाय बानाय गैयै, हाथा-हामा सान-हर
नाजाथाबनानै हाबा मावनायनि
जाउनाव बर' रावआ
भारत संबिजितनि 8 थि आवथायाव
सरकारजौं गनाय जानाय राव
हिसाबै भुम दरबाराव जायगा मोनबाय।
नै सुबुंथिनि थान्दै
नौंनि हास्थायनाय मिजिंकआ
दिनै जाफुंसारनायनि रेगा नुजाबाय।
नौंनि हास्थायनायाव आद्रा
थालांनाय हाबाफारिफोरखौ
अरायबो जौं खौसेयै सुफुलांनो नाजागोन।

श्री महन चन्द्र ब्रह्म
गामि- बंसिगाव

आदार

आंनि मुङ आदार,
नांगौ जायो आंखौ;
मुलुगनि गासैबो सुबुङ,
सुबुंथिनि जिउ खुं'नाया।
आंखौ मोनजायोबोला जायो,
सुबुं हारिनि देहा-मोदोमा थाजिम।
आंखौ मोनजायोबोला मोनो,
सुबुं हारिनि सोलेरा गोहो-बोलो।
खालामनो हागौ आं, सुबुं हारिखौ-
आनि-थानि, लोर्बा थोरबां।
फोजोबनो हागौ आं, सुबुं हारिखौ-
जिउ गैयि-गोथै महरै स्रां।
बानजायथि आं सुबुंथिनि,
अराय मुलुगाव थांना थानायनि
बान्जायथि आं सुबुंथिनि,
अराय मुलुगाव हाबा मावलांनायनि।
आंनि अन्नायाव दङ मुलुगनि गासैबो सुबुङ दिनै,
मिथिंगाजौं लोगोसे थांना थानानै।
आंनि अन्नायाव दङ जेथो संसाराव सुबुङ दिनै,
गुस्थियाव मिनिस्तु महर लानानै।
दङ आंहा गोथार धोरोम,
सुबुंखौ अन्नाय, मोजां मोन्नाय।
दङ आंहा गोथार गुण,
सुबुंखौ मुलुगाव फोथांना लाखिनाय।

मुश्री मिथिसार ब्रह्म
गामि:-बानुगाँव
ला:सो:-पुटिमारी।

आमेरिकानि हादतगिरि डनाल्ड ट्राम्पआ मोनसे गोमोथावना पस्ट शेयार खालामदों

वाशिंग्टन, 2 जुन : आमेरिकानि हादतगिरि डनाल्ड ट्राम्पआ मोनसे मोगोथावना पस्ट शेयार खालामदों। बे पस्टआव दाबि दिखानाय जायोदि, आमेरिकानि बारग' हादतगिरि ज' बाइडेनआ 2020 माइथायावनो जिउ गोमाबायमोन। बेनि उनिफ्राय बिथानि बडिखौ डाबल आरो रबट बायदि नुनो मोन्दों। उनिफ्राय बिथानि बडिखौ डाबल आरो रबट बायदि नुनो मोन्दों। बे डाबल बडियाव बाइडेन बायदि सान्नाय बुजिनायनि गोहो गैया। बे पस्टखौ मोनसे सिनाय मोनै एकाउन्टजों शेयार खालामनाय जादों, जायखौ डनाल्ड ट्राम्पआ फिन शेयार खालामदों। ट्राम्पआ शनिबारखालि जाय पस्टखौ शेयार खालामदों, बेवहाय लिस्नाय दंमोनदि, रावबो ज' बाइडेन बायदि नड, बिथान्खौ 2020 आवनो बुथारनाय जादोंमोन। नोंथांमोनहा जेखौ नुदों बियो बाइडेननि क्लन



डाबल्स आरो रबटनि मदतजों बानायनाय पुथुला, जेराव बेयो आत्मा गैया आरो बिन सिडव सान्नाय बुजिनो हानायनि खर' गैया। नाथाय डेमक्रेटिक्सफोरा सानैन फारागथिखौ मिबथिया। डनाल्ड ट्राम्पनि बे पस्टआ बै फिन्नाय होनायनि सानसे उनाव फैदों, जेराव बिथाड बुंदोंमोनदि, सुबुंफोरा ज' बाइडेननि सोमोन्दै गात्रि सान्नाडा, लोगोसेनो बिथाड बेखौबो बुंदोंमोनदि, डेमक्रेटआ माखासे सुबुंफोरखौ दुखु मोनहोग्रा सुबुं। ज' बाइडेनआ प्रस्टेट केन्सार्जों भुगिनांगिसिनो दं। माखासे सम सिगांनो बिथानि बे गोब्राव

बेरामखौ मिबथिनाय जादोंमोन। बेनि सिगां बिथाड बाउगारनाय बेरामजों जुजिगासिनो दंमोन। बारग' हादतगिरि ज' बाइडेनआ शुक्रबारखालि गावनि फाहामथाइ लानायनि उनाव गिबि खेब समाजयारि महरै फिन्नाय होदोंमोन। मेमरियेल डे हावाफ्रनि उनाव खौरगिरिफेरजों बाश्ना सावरयनानै 82 बोसोर बैसोनि बारग' हादतगिरिया बुडोदि, बिथांन सिगांनिफ्रयनो फाहामथाइ लानाय सोलिगासिनो दं। बिथाडा बुडोदि, आसा खालामो जे जों बेखौ फेजेन्तो हागोन आरो मोजां मोन्दैथिगासिनो दं।□

रासियानि आरएस-28 सरमत आरो सैतान-2 मिसाइलफोरा मोनसे ग्रहखौ सोमावग्लुंनो हायो

मस्क', 2 जुन: रासियानि हादरगिरि पुतिनआ मोन 5 एयारबेसआव दासिम इउक्रेननि बयनिखुइबो देरसिन डू'न गाग्लोबनायनि उनाव जोबोद रागा जॉनानै दं, जाय बे डूनआ रासियानि 4000 किल'मिटार गोथौआव हाबदोंमोन। रासियाआ दायो इउक्रेननि हेंथायै मोनसे फोजोबस्त्रांफा फिन साजा होनो साखाफारा जागासिनो दं। रासियाआव गोबां गिखंथाव मिसाइल आरो हाथियारफोर दं, जायखौ फिन होफिनोब्ला मोनसेल'सोहोरल' नड नाथाय गासै ग्रहखौबो सोमावग्लुंनो हागौ। बिसोरनि गेजेराव रासियानि 'आरएस-28 सरमत'खौ बहुमनि बयनिखुइबो गिखंथावसिन मानिनाय जायो आरो 'सैतान-2' आबो मोनसे। सोनाबारि हादरफोरा बेखौ 'सैतान-2' मुं दोन्दों। बेयो मोनसे गेजेर हादरमायारि बेलिस्टिक मिसाइल। बे एटम मिसाइलआ खेबसेआव मोन 15 निफ्राय 16 परमाणु हाथियार



लानो हायो। बेखौ मुलुगाव फोजोबस्त्रांनायनि सिन'निम होनना बुंनाय जायो। रासियाआ बावैसो बे सैतान-2 खौ जौगाहोदों आरो बेनि सिमाया

दा बांनानै 13,000 निफ्राय 16,000 किल'मिटारनि गेजेराव जाबाय। बेनि आपदेटेट मुड जादों 'आरएस-28 सरमत'। रासियानि बे मिसाइलखौ

मुलुगनि फोजोबस्त्रांनाय महरै मिथिनाय जायो। रासियानि आर.एस.-28 सरमत आरो सैतान-2 मिसाइलफोरखौ बहुमआव बयनिखुइबो

गिथावनासिन होनना मानिनाय जायो। बे मिसाइलफोर गोबां नोगोरफोरखौ खेबसेयैनो गोथैसालियाव सोलायनो हायो आरो बिसोरखौ बहुमनिफ्रा खोमोरनो हायो। रासियानि मोनबा गाहाइ बिरखं गाथोनफोराव इउक्रेननि डू'न गाग्लोबनाया बे एटम मिसाइलखौ बाहायनायनि गिना'गौखौ बांहोदों। जुदि रासियाआ इउक्रेननि हेंथायै फिन साजा होनो थाखाय बे मिसाइलखौ बाहायोब्ला। रावबो एप'केलिप्सनिफ्राय बारग'नो हाया। बिसोरो सुबुं सोदोमस्त्रिनि थाथायखौबो फोजोबस्त्रांनो हायो।□

आमेरिकानि बल्डारआव थानाय इहुदी सुबुंफोरनि सायाव बम गारनानै फिलिस्ताइन आजाद करो स्लगान होदों



गोदान दिल्ली, 2 जुन: आमेरिकानिफ्राय बम गावनाय जाथाया सोराडव नुजाथिदों। आमेरिका पुलिसनि बादिब्ला, थानाय रबिबारखालि कलराडनि बल्डारआव थानाय इहुदी सुबुंफोरनि सायाव अरनि बम गावनानै फिलिस्ताइन आजाद करो स्लगान होदों। बे जाब्रथायाव माखासे सुबुंफोरा

जोखोम जायो। कलराडआव जानाय उतखारि गाग्लोबनायनि उनाव सासे हौवा सन्देह खालामथावखौ जिम्मायाव लायो। एफबिआइ बिथोनगिरि काश पाटेलआ बेखौ थांखिनानै उतखारि गाग्लोबनाय होन्ना फोरमायो। एफबिआइआ फोरमायदोंदि, 67-88 बोसोर बैसोनि सा 6 सुबुंफोरा बे

गाग्लोबनायाव जोखोम जायो। बिसोररखौ फाहामथायनि थाखाय देहा फाहामसालिआव थिसन्नाय जायो। एफबिआइआ सन्देह खालामथावखौ 45 बोसोर बैसोनि महम्मद सबरी सलिमा महरै सिनायथि होदों। बे जाथाया गाजाआव इजराइलनि दावहाखौ लानानै आमेरिकायाव

जेंना बांनायनि गेजेरजों जादों, जायनि जाहोनाव इहुदीफोरनि हेंथा जाथायफोरा बांदों। लोगोसे हादरगिरि डनाल्ड ट्राम्पनि दैदेन्नायाव इजराइलनि रुगिवादी मददगिरिफोरनि फार्सेनिफ्राय फिलिस्ताइननि हेंथायै धर्नाफोरखौ इहुदीफोरखौ हेंथा होन्ना फोरमायनो नाजानायाबो बाडो। बेराफार्से बल्डारनि जाथायनि साखि जानाय कलराड मुलुग सोलोंसालिनि 19 बोसोरनि बूक कफमेनआ बे जाथायनि सोमोन्दै खौरां होदों। आथिखालाव पुलिसआ बे जाथायखौ नायबजिरगासिनो दड। निउयर्क सिटि पुलिस बिफानआ बुंदोंदि, बिसोर रैखाथिनि थाखाय धोरोमारि जायगाफोराव बिबानगिरिफोर थिसन्नायखौ बांहोगासिनो दड।□

पाकिस्तानआव दैनि आंखालजों भुगिलांदों

इस्लामाबाद, 2 जुन : पेहेलगाम उतखारि गाग्लोबनायनि उनाव भारतआ जाय 'वाटार स्ट्राइक' नि सोलोखान्थि आजावना लादों, बेजों पाकिस्तानाव दैनि थाखाय दावशव-दावसि सोमजिहोयो। खरिफ फसलफोरनि थाखाय दै थालानिफ्राय दै मोनैजों आबादारिफोरनि गेजेराव जिंगानि दोहौ सोमजिदों। सिन्धु-झेलमनिफ्राय लानानै चेनाव दैमायाव दै बोहैनाया जोबोद खम। गिखंथाव गरम आरो दै गैयैजों आबादथिलिफोरावबो हाफोरा गावस्त्रायो।



पाकिस्तानआव फसलनि थाखाय दैनि आंखाला मोनसे गोब्राव जेंना जाना फैबाय।

भारतआ चेनाव दैमानि दै बोहैनायखौ खम खालामना होबाय, जायजों पाकिस्ताननि

गाहाइ बान्दोफोराव दैनि आंखाल जायो। बेजों राहा गोथै जाना पाकिस्ताननि

गाहाइ मन्थि शहबाज शरिफआ ताजिकिस्ताननि दुशाम्बेआव जानाय ग्लेशियार संरैखाथिनि सम्मेलनआव गनायथि होयो। बिथाडा सिन्धु दैरादायखौ होबथानाय भारतनि थांखिनि सायाव दुखु मोन्नाय फोरमायो। आथिखालाव दैनि थाखाय शहबाज शरिफ आरो आसिम मुनिरआ मुलुगनि आर्थि खुलुमनां सिगोन। पाकिस्तानआ भारतनि सायाव चेनाव दैमायाव दै बोहैनायखौ खमायहोनायनि दाय जाबसिन्दों।□

क्विवभ, 2 जुन : इउक्रेनआ रासियानि सायाव गिखंथाव गाग्लोबदों। बे गाग्लोबनायाव रासियाआ गोबां ख'हाबो जादों। बेनि गेजेराव इउक्रेननि हादतगिरि भलडिमिर जेलेनस्कि बुडोदि, इउक्रेननि सान्थि हान्जाफोरा रासियाआव मोजां अपारेशन सालायदों। बिथाडा बे अपारेशननि गाहाइ थांखिआ रासियानि सान्थिफोरमोन, जायखौ मोन्नायाव इउक्रेननि सान्थिफोरा जाफुंसार जानोबो हादों। इउक्रेननि हादतगिरिया दाबि दिखाडोदि, बे गाग्लोबनायाव रासियाआ गोबां ख'हा जादों आरो बे एक्सनखौ बिथाडा मोजां होन्ना मिबथिहोदों। मिबथि होनाय बायदिब्ला, रबिबारखालि हादतगिरि मुडै गावनि बिबुंथियाव



जेलेनस्किआ इउक्रेननि रैखाथि सार्भिस आरो अपारेशनाव बाहागो लानाय गासै सुबुंफोरखौ साबायखर होदों आरो मिबथि होयोदि, इउक्रेननि हादतगिरि भलडिमिर जेलेनस्किआ बुडोदि, अपारेशननि थियारि खालामनायाव 1 खावसे बोसोरनिखुइ बांसिन सम नांदों। गावनि बिबुंथि होनायाव बिथाडा बुंदोंदि,

बावैसो आंहा इउक्रेननि रैखाथि सिबिथाइनि गाहाइ भसिल मालियुक्निफ्राय मोनसे रिपर्ट मोन्दैदि, मोनसे मोजां अपारेशन खालामनाय जादोंमोन होन्नानै बेयो सुथुरफोरनि ओन्सोलाव जादों आरो बिसोरनि थांखिया गाहाइ महरै सान्थिफोरमोन। आं थारैनो बुंनो हायोदि, बेयो मोनसे जोबोद मोजां अपारेशन।□

मणिपुरनि चुराचान्दपुरआव गं 3 इलेक्ट्रनिक जोन्थोरफोरखौ सिलिंखार खालामदों

इम्फल, 2 जुन : भारतीय सान्थि, आसाम राइफल्स आरो सिभिल पुलिस फर्मेंशनफोरा स्पियार कर्प्सनि गेजेरजों मोनसे सिरिज अपारेशनआव मणिपुरनि चुराचान्दपुर जिल्लायाव गं 3 इम्प्र भाइज्ड एक्सप्लसिभ रिभाइस (आइडिडि) खौ सुलात लानानै जानो हाथाव दुखु नांथाव

जाथायफोरखौ फेलें खालामदों। संगालि खौरनि सायाव बिथा खालामनानै, जाय माखासे समाजनि बेरेखा मावसुमाफोरनि थानायखौ इंगित होयोमोन, पुलिसआ रिपर्ट खालामोदि, जुथाइ हान्जाया चुराचान्दपुर पुलिस थानानि मोन्थाइ गोनां ओन्सोलाव कहुंमुन गामिनि

सन्देह' खालामथाव जायगायाव मोनसे अपारेशन सालायदों। फुंनि समाव 3 घन्टासिम सोलिनाय अपारेशनाव, मोनसे बम नायबजिरगा (बिडिएस) टीमआ जेबो ख'हा जाहोया लासे 3 किल'ग्राम लिस्थाइनि मोन्थाम आइडिडिखौ सिलिंखार खालामदों। बिडिएसआ 3



किल'ग्राम लिस्थाइनि कार्डेक्स तारखौबो नायबजिरदों। अपारेशननि गेजेरजों आइडिडिखौ उनाव खाबु लानानै सिलिंखार खालामनाय जादों, नाथाय रावखौबो ग्रेप्टार खालामनाय जायाखै होन्ना रिपर्टआव बुंनाय जादों। फल-आप नायबजिरनायाव जुथाइ

हानजाया बै जायगा खाथिनि ओन्सोलाव दोनखुमानाय हाथियारफोरनि बाखिखौबो सोरांआव लाबोदों। बोस्त्रांनो हानाय हाथियारफोरनि मादाव गंब्रे सिंगोल बेरल गान, गंसे .303 राइफल जेराव गांसे लांदों मेगजिन दंमोन, गांनै बुलेट फ्रुफ जेकेट गंसे हेलमेट बायदि

बायदि दंफायोमोन। अफिसियेल रिपर्टआव होफादेरनाय बायदिब्ला, बावैसो बोखानो हानाय बेसादफोरखौ उनाव मणिपुर पुलिसनो इयुननि नायबजिरनाय आरो आइननि नायबजिरनायनि थाखाय गनायना होनाय जायो।□

6

बिलाड़

कक्राझार, मंगलवार ३ जुन, 2025

(1 विलाइनिफ्राय)

(1 विलाइनिफ्राय)

(1 विलाइनिफ्राय)

अम्बुबासि मेलानि थाखाय 4 कौटि 55 लाख रां बाहायगोनः रन्जित दास

आसाम दावबाय बिफानअ मोनसे खौरंगिरि मेल लिंथुमनायखौ नुनो मोन्दौ। गुवाहाटीनि पल्टन बाजाराव थानाय आसाम दावबाय बिफाननि मावख'आव खुंफुंजानाय बे खौरंगिरि मेलआव मन्थ्रि रन्जित कुमार दासआ अम्बुबासिनि साखा-फाराथिनि सोमोन्दै गुवारै फोरमायथिनानै होयो। मख'नो गोनांदि बे खेबनि अम्बुबासिनि जुरिजेन्नाय हाबाफारिया 22 जुननि सानजौफुनि 2ः56 मिनिटआव जागायगोन। गुबुन फारसेथिं अम्बुबासिनि जेबनाय हाबाफारियाव 29 जुन सोरंसि समनि ३:00 रिंगायाव। मन्थ्रि रन्जित कुमार दासआ फोरमायनाय बायदिब्ला, अम्बुबासिनि बे हाबाफारियाव जेबो रोखोमनि भिआइफि आरो भिभिआइफिनि रहा थानाय नङ। सिगांनि बायदिनो बे खेबआवबो अम्बुबासि मेलायाव हादर आरो गुबुन-गुबुन हादरनि लाख लाख सिबियारिफोरा बाहागो लाफैदों होन्ना मिजिंथिनाय जादों। आबुडै साबना हामना थासारिनि गेजेरजों बे मेलाखौ खुंफुंनो थाखाय मन्थ्रिआ खावलायनानै बे खेबनि अम्बुबासि मेलानि थाखाय सरकारआ 4 कौटि 55 लाख रां बाहायगोन। सिबियारिफोरा अम्बुबासिनि मेलायाव मन्दिराव जुथा सिन्देल गान्नानै हाबनाङ होन्ना मन्थ्रिआ खावलायदों। जुथा-सिन्देलनि सोलायै मुजा गान्नानै सिबियारिफोर हाबफैनो हागोन होन्ना फोरमायदों। सिबियारिफोरनि खाबु जानाय बायदि कामाक्यानि गुबै गेटनिफ्राय लामायाव कारपेट बनानै दोन्नायजों लोगोसे जायगा-जायगा लोंग्रा गोम्गो दै लाखिनाय जागोन होन्नानै मन्थ्रिआ मिथिहोबावो। सिबियारिफोरनि थाखाय दिनैसिमआव मोनब्रै थाग्रा खुलिनि रहा खालामनाय जादों। बे थाग्रा खुलिखौ गुबुन रइज्ज्योफोरनिफ्राय फैनाय सिबियारिफोरनि थाखाय लुफुंनाय जादों। अदेबानि सिबियारिफोरनि अनजिमाया एबा सुबुं थुब्रुमाया मिजिंथिनायनिफ्राय जुदि बांसिन जायोब्ला बे थाग्रा खुलिखौ बाहोनाय जागोन होन्ना दावबाय बिफाननि मन्थ्रि रन्जित कुमार दासआ रोखायै फोरमायो।

बिटिआरनि दर 2 9 जौगाखां खोन्दोनि सिङाव थानाय हाथाइनि टेन्डारआ गोजोनै खुंजाबाय

टेन्डारनि हाबाफारिखौ खुंनाय जादों। मख'नो गोनांदि, बिटिआरनि हाथाइ आरो मेला बिफाननि बान्जायनायाव खुंनाय दर 29 जौगाखां दख'रानि सिङव थानाय गासै गं 370 हाट हाथाइनि टेन्डारआव कक्राझार, चिरां, बाक्सा, उदालगुरि आरो तामुलपुर जिल्लानि टेन्डार लाग्राफोरा बाहागो लाफैदों आरो हाबाफारिया गोजोनै खुंफुंजादों। हाबाफारियाव टेन्डार आफादनि मासिगिरि आरो एमसिएलए पबित्र कुमार बर'आ गावनि बिबुंथियाव आथिखालाव गं 370 हाथाइनि थाखाय मार्केट सेट लुनायजों लोगोसे फिसा-फिसा माखासे जेंनाफोरखौ सुस्नांबोदों होन्ना फोरमायनानै आयजो जौगाखानायनि सायाव गोनांथि होनानै गं 30 आइजो हाथाइ गायसन्नायनि अनगायैबो नाबाडै बिथांखिनि सिङाव बिटिआरनि दरफ्रोम्बो बियाबाव आइजो हाथाइ सोरजिनायनि थांखि आजावना लादों होन्नानै मख'दों। पबित्र कुमार बर'आ बुंदोंदि, हाग्रामा महिलारीनि खुंथाइ समाव टेन्डार लानाय समाव बायदि रोखोमनि गोजोन गैयै सोमजिदोंमोन। नाथाय प्रमद बर'नि खुंथाइ समाव टेन्डार गथायनायखौ लानानै जायखि-जाया रोखोमनि गोजोन गैयै सोमजियाखै। बिथाङ थांनाय 2024-25 रांखान्थि बोसोराव गासै 3 कौटि 6 लाख रां खाजोना बुथुमनो हादों होन्ना मिथिहोनानै बे खेबनि 2025-26 रांखान्थि बोसोराव 3 कौटि 50 लाख खाजोना बुथुमनो मोन्नायखौ मिजिंथिदों। एमसिएलए पबित्र कुमार बर'आ प्रमद बर'नि खुंथाइ सरकारनि सानआव बिफानफोरनि थिकादार एबा जगायग्राफोराबो गावसोरनि बिलखौ नेमबादियै मोन्दों होन्ना मिथिहोयो। हाग्रामा महिलारि खुंथाइ समाव दाहार खालाम लांनायनि थाखाय बे सरकारआ सुख'नांनायनि थाखाय जौगाखानायनि गोख्रैथिआ जेसेबां जानांगौमोन बेबायदि जायाखै होन्ना बुडो।

बड'लेण्डआव गिबि खेब “बड'लेण्ड सिइएम काप 1.0 ”’फुटबल बादायलायनाय खुंनो साखा-फारा

मेल खुंनानै बेनि सोमोन्दै फोरमायना होयो। बिथाङ फैगौ 14 जुननिफ्राय जागायजेन्नो गोनां बे मेगा फुटबल गेलेनायखौ बिटिआरनि दर 5 जिल्ला फारियै- कक्राझार, चिरां, बाक्सा, उदालगुरि आरो तामुलपुरनि गासै गं 420 भिसिडिसिनि थाखोनिफ्राय जागायजेन्नानै उननि थाखोआव बियाब, बेनि उनाव जिल्ला थाखोआव खुंनानै गौथुमारि थाखोआव थुंगेगोन। मख'नो गोनांदि, बिटिआरनि सरकारनि गेलेमु आरो लाइमोन अन्साय बिफाननि बान्जायनायाव आरो बिटिआर गहाइ प्रमद बर'नि दैदेन्नायाव “बड'लेण्ड सिइएम काप 1.0”आ खुंजागोन। दिनै बिटिआर सेक्रेटारियेटआव खुंनाय इक्सिकउटिभ काउनसिल एबा इ सि जथुमाव बे थांखि लानाया गनायथिजानायनि उनाव गेलेमु बिफाननि मावफुं सोद्रोमा दावबाइसा बर'आ खौरंगिरि मेलनि गेजेरजों दिनै वेब पर्टेल बेखेवनानै बे फुटबल बादायलायनायाव बाहागो लाफैनो गोनां गोसो गुदुं गेलेगिरिफोरखौ मुं थिसन्नायनि थाखाय खावलायदों। मख'नो गोनांदि, बड'लेण्ड सिइएम काप 1.0 नि साबसिन्थार एबा देरहनाय हान्जाया नोगोद 1.5 लाख रंजों लोगोसे ट्रपि, रनार्स आप हान्जाया 1 लाख रंजों लोगोसे ट्रपि आरो ३ थि जायगायाव देरहनाय हान्जाया नोगोद 50 रोजा रंजों लोगोसे ट्रपि मोनगोन। बड'लेण्ड सिइएम काप 1.0 नि थाखाय बिटिआर गौथुमारि सरकारआ 6.44 कौटि रां बाजेट थि खालामदों आरो भिसिडिसि थाखोनिफ्राय गेलेगिरिफोरखौ थुलुंगाखां होनायनि थाखाय नोगोद धोननि बान्था गथायनायनि रहा खालामदों होन्ना मोनफ्रोमबो

मौनफ्रोमबो विधान सभा बियाबआव गोर्बाबथि, खुदिया आरो हरखाब सावरसि सिबिथाइनि थाखाय ‘पास्ट रेपारेल इउनिट'खौ मावफुंनांगौः अशक सिंघाल

आरो बर्नाली शर्मा, फाहामथाइ सोलोंथाइ आरो नायबिजिरसं बिफाननि बिबानगिरि ख़ सिर्दात सिं, सावस्त्रि सिबिथाइनि सामलाइगिरि ङा॰ उमेश पांश, सावस्त्रि सिबिथाइनि सामलाइगिरि कमलजित तालुकदार आरो माहारियारि सावस्त्रि अभियान आसामनि मावफुं सामलाइगिरि ख़ मनज चौधुरीजों लोगोसे गोबां बिबानगिरिफोरानो बाहागो लानो हानाय बे जथुम्मायाव मन्थ्रि सिंघालआ बिफाननि गुबुन-गुबुन हाबा हुखा, बिथांखि मावफुंनाय, सोर थाथाइआरि बायदि गासैबो बिथिंखौनो खौरां लानायखौ नुनो मोन्दों। दिनैनि बे जथुम्मायाव सावस्त्रि मन्थ्रिआ सोलिफु दै बानानि समाव ख'हा जानांनाय ओन्सोलफोराव सावस्त्रि सिबिथाइ होबाय थानाय रहानि सायावबो सावरायनाय जायो। दै बानानि रहा बादायाव थाग्राफोरखौ सम सम सावस्त्रि अन्जाद खालामनायजों लोगोसेनो नांगौ जानाय मुलिबायदिखौ रन्तानै होनाय खामानिखौ गोख्रै खालामनो थाखाय एबा दै बाना आरो बेमारजों जुजिनायनि थांखिजों नांगौ जानाय मुलि, फाहामगिरि, नार्च, सावस्त्रि मावफारिया एबा सावस्त्रि बिफानखौ आबुडै साखा-फारा जानानै थानो मन्थ्रिआ बिथोन होदों। दै बानाजों लोगोसेनो एबा दै बाना जेबलांखानायनि उनाव दै बाना लोमजानाय ओन्सोलफोराव बांलांनाय गुबुन-गुबुन रोखोमनि बेरामखौ होबथानो थाखायबो गोख्रों रहा लानो मन्थ्रिआ सावस्त्रि बिफानखौ बिथोन होदों। जथुम्मायाव कक्राझार आरो चिरां जिल्लानि भारत-भुयन सिमा ओन्सोलआव मेलेरियानि गोहोमखौ सामलायनो थाखाय बिफानआ आखाइआव लानाय रहानि सोमोन्दैबो गुवारै सावरायलायो। सावस्त्रि आरो नख'र अन्साइ बिफाननि हाबा हुखानि सोमोन्दै सावरायखानानै मन्थ्रिआ माखासे गोनांथार आयदाखौ गोनांथि होनानै बे बिथिङाव गोख्रों नोजोर होनो बिफानआरि बिबानगिरिफोरखौ बिथोन होयो। रइज्ज्योनि मोनफ्रोमबो विधान सभा बियाबआवनो गोर्बोबंथि, खुदिया आरो हरखाब गोनांथि जानाय सावस्त्रि सिबिथाइनि थाखाय मोनफायै पास्ट रेपारेल इउनिट (एफआरइउ) मावफुंनो थाखाय गोख्रों रहा लानाय बिफानआरि बिथोन होयो। पिट इण्डिया हाबाफारिखौ उनसंनानै रइज्ज्योनि मोनफ्रोमबो आयुषमान आरग्य मन्दिरावनो लान्थ्रियै फोरोंथाइ होनायनि रहा खालामनानै ओन्सोलनि राइजोफोरखौ सांग्रांथि होनो थाखाय आयुष, आसामनि सामलायगिरिखौ बिथोन होयो। सावस्त्रि बिफाननि खुंथाइआरि रहानि थाखाय आबुडै डिजिटइज खालामनो थाखाय राइज्ज्योनि मोनफ्रोमबो फाहामसालियावनो नांगौ जानाय मुलिफोरखौ दोनथुमनानै लानो बिथोन होयो। फाहामगिरि, नार्च, आशा मावफारियाजों लोगोसे साफ्रोमबो सावस्त्रि मावफारियाफोरनि थाखाय लान्थ्रियै फोरोंथाइ होनाय आरो गावआरि जौगाखानायनि हाबाफारिनि रहा आसामनो थाखाय बिफानआरि बिबानगिरिफोरखौ बिथोन होयो। दिनैनि बे जथुम्मायाव रइज्ज्योनि गुबुन-गुबुन ब्लाड बेंकनि थासारि, आयुषमान भारत-प्रधान मन्थ्रि जन आरग्य यजनए एबा आयुषमान आसाम-गिबि मन्थ्रि जन आरग्य यजना मावफुंनायनि थाखाय आरोबाव आथिखालआव कभिडनि सन्देरनाया बांबोनाय समाव लानो गोनां सांग्रांथिनि सायावबो गुवारै सावरायलायनायखौ नुनो मोन्दौ।

कसुदला-कुर्शाकाटि गाथोननि चाम्पाबति दैसानि सायाव थानाय औवानि दालाङ बोहैखारलांबाय

थाखाय दै लोमसावनायाव बोहैखारलाङे। दैसानि सोनाब फारसे दै लोमसावनायाव औवानि दालांखौ खावसे बाहागोया बोहैखारलाङे। जायनि थाखाय फिसा नाउजों दैसानि फारसैथिंजायनि सरासनस्त्रा राइजो-रजाफोरा बारलांनो गोनां जादों। जर'खायै सोनाब फारसेथिंजायनिफ्राय कुर्शाकाटि, जरेगाव, हरिगाव, खुद्रुबासुगाव, चौताकि, लातागाव, लालतारि, काकरमारि, सिमलागुरि, सेदामारि बायदि गामिनि राइजो-रजाफोरा सानफ्राम्बो फरायसालि-फरायसालिमा मावखुलि, हाथाइफोरनि थाखाय बासुगाव सहरसिम फैनो गोनां जायो। फिसा नाउजों दैसाखौ बारलांनो गोनां जानायाव गोबां सम नांनायजों लोगोसे माब्लाबा नाउआ दैआव गोदोनानै जिउ आरो सम्पथिफोरा खहा जालांनायनि मिजिंथिजादों। कसुदला-कुर्शाकाटि गाथोनआव बोसोर-बोसोरनाडै मेसं बोथोर समाव औवानि दालां आरो दैज्लां बोथोर समाव फिसा नाउआ सोलिबाय थानायाव पाकानि दालां लुनायनि थाखाय गोबाव सान नाडैनिफ्राय दाबि दैखंजाबोदोंब्लाबो मोनफ्रोम्बो सरकारआ ओन्सोलनि थागिरि राइजो-रजाफोरनो बाश्रा होबोदोंब्लाबो दिनैसिम अन्थाइ खाम्फा गायसन्नाय जायाखिसै। जायनि थाखाय दैदेनगिरिफोरनि बाश्राखौ एसेब्लाबो फोथायनाय गैलिया ओन्सोलनि थागिरि राइजो-रजाफोरा।

बिटिसिनि दर 10 बियाबआव अगप’ दोलोआ बिसायख'थि बादायलायनो साखा-फारा जाबाय

इउपिपिएल-बिजेपि दोलोआबो दिनैसिमबो दोलोनि गेजेराव फंसेबो बाश्रा बुङाखै एबा गोनांथि होयैनि गोख्रोंथार अजद दैखंदों असम गन' परिषद (अगप) दोलोआ। मख'नो गोनांदि, कक्राझार जिल्लानि सालाकाति गौथुमारि बियाबनि सिङाव थानाय कालिफुकुरिआव दिनै अगप' दोलोनि दोलोयारि मावफारिया मोनसे मेल खुंदों। जर'खायै फैगौ बिटिसि बिसायख'थिखौ लानानै अगप' दोलोआ खावलायनाय दोलोनि मावफारिया मेलाव अगप'नि मिरु नेहाथारि आरो बिटिसि बिसायख'थि आफादनि आफादगिरि भुपेन रयआ बाहागो लाफैनानै बिटिआरआव थानाय गासैबो हारि-हारिसानि हानि मोन्थाइ आरो समान जौगाथाइनि बिथिङाव गोबां मावफुंनांगो दं होन्ना बुङे। बिटिआरनि मोनफ्रोमबो हारि आरो गासैबो थागिबनि हानि मोन्थाइखौ रोखा मोन्नायखौ जों हास्थायो। नाथाय बिटिसि एबा बिटिआरआव मुगा नाडै जिउ खांबोनाय कसरजबंसि, आदिबासि, नाथ यगी, सुत्रधर, गर्खा बायदिजों लोगोसे बेंगलीफोरनि हानि मोन्थाइनि थाखाय बिपिएफ, इउपिपिएल, बिजेपि मोन्थ्यामबो राजखान्थि दोलोआ बिटिआर ओन्सोलआव गोनांथि होयाखै होन्ना बिथाङ अजद दैखांदों। बे बिथिङाव मोनफ्रोमबो हारि-हारिसानि समान जौगाथाइ आरो समान जौगाखानांयखौ लानानै अगपआ फैगौ बिटिसि बिसायख'थियाव बाहागो लानायनि थांखि लादों आरो अगप' दोलोआ गावारियै बिटिसिनि दर 10 गौथुमारि बियाबआव बादायलायगोन होन्ना फोरमायो। आथिखालाव अगप दोलोआ बिटिसि गौथुमारि बिसायख'थिखौ लानानै दोलोनि आफादारि बिथाखौ गोख्रों खालामनायनि थांखिजों बिटिसिनि सिङव थानाय मुदैबारि, मटनगुरि, थुरिबारि, नाग्रिजुलि, बाउखुंग्रि आरो दिनै सालाखाथि बियाबनि कालिफुकुरिआव दोलोनि मावफारिया मेलजों बिबुंथिफोरखौ आजावना लानायनि बाश्राखौ मिथिहोयो। बिथाङ बावैसोआव रइज्ज्योनि दैबानानि थासारिखौ नोजोर होनानै अगपआ इयुन समाव धनस्त्रि, पासनै सेरफां, दिहिरा आरो श्रीरामपुर गौथुमारि बियाबाव बिसायख'थिखौ लानानै साखा-फारा जागोन होन्ना फोरमायना होयो। फारसेथिं खौरंगिरिनि सिगाङाव अगप दोलोनि मिरु नेहाथारि भुपेन रयआ आरोबाव बुंदोंदि, बिटिसि दाफुंनायनि उनाव गोबाव सान नाडै अगपआ बिटिसिनि बिसायख'थिआव बाहागो लायाखैमोन। नाथाइ खेबसेल' अगपआ मुदैबारि दरसे बियाबाव बाहागो लादोंमोन। मानोना बर' हारिनिल' गोसोनि सान्नाय-हनाय हास्थायनाय आरो बे ओन्सोलनि गुबुन-गुबुन जौगाखानायनि बाश्राखौ सानखानानै अगप'आ लोगोयारि थानाय एबा हेफाजाब होनानै दंमोन। नाथाइ दिनै बेबायदि थासारिआ गैथा। बिटिसिनि थागिरिफोरनि थाखाय गोबां बाश्रा बुंनांगो दङ। जायनि थाखाय अगप'आ बे खेबनि बिटिसिनि दर 10 बियाबआव गावारि बिजांथि फसंगोन आरो आथिखालाव अगपआ सोमोन्दो गोनां दर 10 बियाबआव दोलोनि मावफारिया मेलजों साखा-फारा जानायखौ फोरमायदों। बिथाङ आथिखालाव दर 6 बियाबनि जथुमाव गोबां अन्सायनाय मोन्दों होन्ना फोरमायदों। मख'नो गोनांदि, कक्राझार जिल्लानि सालाकाति बियाबनि कालिफुकुरिआव दिनै अगप दोलोनि दोलोआरि मावफारिया मेलाव बिटिसिनि बिसायख'थि आफादनि नेहाथारि धुब तालुकदार, आफादारि नेहाथारि नब' कलिता, लेङाइ आफादगिरि कर्ण महन राय, प्रसान्त बरूवा, कक्राझार जिल्ला आफादनि आफादगिरि पबित्र नाथ, नेहाथारि सिराज नाथ, चिदली बियाबनि बिसायख'थि आफादनि आफादगिरि करेन्द्र दास आरो पर्वतझरा बियाबनि आफादगिरि आमरुदिन आहमेदमोनहा बाहागो लाफैदोंमोन।

गसाइगावनि बरबाधाआव इउपिपिएलनि सराइबिल बियाबनि बुथ सन्मिलन खुंदों

राइज्यो सभानि एमपि आरो इउपिपिएल दोलोनि मावफुं आफादगिरि रोनगोरा नार्जारीआ होदों। दिनै गसाइगाव बरबाधाआव थानाय गेलेग्रा फोथाराव खुंनाय इउपिपिएल दोलोनि सराइबिल बुथ सन्मिलनआव होंखायहरजानाय आलासि महरै बाहागो लाफैनानै दोलोयारि मावफारियाफोरखौ थांखिनानै बिथाङ बुंदोंदि, बिटिसिआव गासैबो हारि-हारिसानो समान मान, समान मोन्थाइ आरो समान जौगाखानांया प्रमद बर'नि दैदेन्नायाल' जाफुंसारो। जौनि ओन्सोलखौ आसामनिव' नङ, भारतनि गेजेरावनो गुबुन दरसे जौगाखानाय ओन्सोल महरै सोरजिनांगोन। थांनाय बिटिसिआव बुलाय-सोलाय, गोहो दिन्थिनाय थासरिआव दंमोन, नाथाय इउपिपिएलनि दैदेन्नायाव दिनै बिटिसिआव गोजों दाफुंजाबाय। बिटिसिनि थागिरि राइजो-रजाफोर फिन इउपिपिएलनि सरकारखौ हास्थायदों। बेनि थाखायनो साफ्रोमबो बुथ मावफारियाफोर बिसायख'थिआव सार्त गैयालासे दोलोनि जानानै खामानि मावनांगोन। बुथ थाखेआव साफ्रोम्बो आखाइ हमलायनानै राइजो-रजाफोरनि गेजेराव ओंखारलांनांगोन होन्ना बिथाङ दोलोयारि मावफारियाफोरखौ खावलायदों। बुथ सन्मिलनआव गहाइ आलासि महरै आसाम सरकारनि केबिनेट मन्थ्रि उर्खाव गोर ब्रह्मआ बाहागो लाफैन्नाय गावनि बिबुंथिआव बिटिसिआव इउपिपिएल दोलोआ हारिसिनो बांसिन अनजिमा देरहनाय दोलो महरै सरकार दागोन। बिथाङ बुंदोंदि, थांनाय 35 बोसोर नाडै हारियारि दाङबाजिखौ नुनो मोन्दोंमोन। गोजोन गैयै थासारिनिफ्राय बिटिसिनि थागिरि राइजो-रजाफोर थांनाय 2020 माइथायआव गोजोन रदायआव मुंसायलायनायनि मोनसे हाबाफरिआ जागायजेदों आरो थांनाय 4 बोसोराव जायथि-जाया हारियारि दाङबाजिआव सुबुंफोर जिउ गोमानो गोनां जायाखै होन्ना बिथाङ बुङे। ब्रह्मआ गावनि बिबुंथियाव गुबुन-गुबुन सरकारि बिथांखिफोरनि बाश्राखौ मख'नानै बुंबावदोंदि, हाग्रामा महिलारिआ गावनो बिएलटिमोनब्लाबो थांनाय 17 बोसोर नाडै बिटिसि खुंनानै हाग्रामाआ बिएलटिफोरनि थाखाय मोनसे भवन लुनो हायाखै। नाथाय प्रमद बर'आ बिएलटि नङमोनब्लाबो बारर' बिएलटिफोरनि थाखाय भवन लुनायनि खामानि मावबाय। बेनि थाखायनो फैगौ बिटिसि बिसायख'थिआव इउपिपिएल दोलोआ फिन सरकार दागोना रेखा जाबाय होन्ना बिथाङ बुङे। गौथुमारि सोद्रोमा माधव चेंत्रिआ बरय बिबुंथि लाखिनाय सराइबिल बुथ सन्मिलनआव इउपिपिएलनि मिरु गहाइ नेहाथारि राजु नार्जरी, एमएलए जिरन बसुमतरी, मावफुं सोद्रोमा कतिरम बसुमतरी, उकिल मुसाहारिजों लोगोसे माखासे दोलोआरि दैदेनगिरि आरो गासै 2 रोजानिबो बांसिन मावफारियाफोरा बाहागो लाफैदों।

गाहाम देहानि राहा

फुडव गुदुं दैजों लेबुनि बिदै लोडेब्ला जर'खा मुलाम्फा मोन्नो हायो

ग ो ० ो - गोदायनिफ्रायनो लेबुनि बिदैखौ देहानि थाखाय मुलाम्फा गोनां मानि बोदों। नोंथाडबो गावनि देहाखौ गोखों खालामनो लुबैयोब्ला फुडव बे ड्रिंखौ लोंनो हायो। बेनि थाखाय गिबियावनो गिलाससे दैखौ फिसा बटलआव गोदौजासे फुदुंनागौ। बेनि उनाव बे दैखौ गिलासआव लानानै थाइसे लेबुनि बिदैखौ सेबना गलायनांगौ। बेबादि खालामोब्ला देहायाव गोबां मुलाम्फा मोन्नो हागौ। बे ड्रिंखौ सानफ्रोमबो लोडेब्ला जॉनि देहानि मेयबलिजिमआ गोखों जायो। जाउनाव देहायाव जमा जानाय मेजेमआ बार्न जानानै गोरलैयै खमायलाडो। बेनि अनगायैबो बे लोंनाया जॉनि देहाखौ डिटक्स



खालामनायावबो हेफाजाब होयो। जुदि, जॉनि गाटआ माब्लाबा गात्रि जायोब्ला एवा खनले-खनले उदैनि जेंनायाव गोगलैयोब्लाबो लेबुनि बिदै लोंनानै मोजां खालामनो हायो। मानोना लेबुनि बिदैआ जॉनि डाइजेसन सिस्टेमखौ गोखों खालामो। जाउनाव उदैआव सोमजिनाय जेंनाफोरा गोखैयै जायखारो। जर'खागिरिफोरनि बायदिब्ला,

लेबुनि बिदैआ जॉनि देहानि अनगायैबो मेन्टेल हेल्थखौबो गोखों खालामो। बेनि बिदैखौ लोडेब्ला खर'सानाय बायदि जेंनाया जायखारनो हागौ। फुडव लेबुनि बिदै लोडेब्ला सानसे इनाजिटिक मोन्दांनो हागौ। बेबादि थासारियाव फारियै माखासे सप्ताहसिम बे बिदैखौ लोडेब्ला देहायाव मुलाम्फाखौ मोन्नो हागौ।

पंकज त्रिपाठीनि क्रिमिनेल जास्टिसआ बयनिख्रुइबो मोजां मोनजानाय भारतयारि वेब सिरिज

पंकज त्रिपाठीजों फाव खालामजानाय क्रिमिनेल जास्टिसआ बयनिख्रुइबो मोजां मोनजानाय भारतारि वेब सिरिजफोरनि गेजेराव मोनसे। स्वआ 29 मेआव जियो डटसारआव गावनि ब्रैथि सिजनजों फैफिनो, आरो बै समनिफ्रायनो बेखौ गुवारै बाख्यानाय जादों। बेयो जोबोद मोजां अन्साइजानाय मोनदों। पंकज त्रिपाठीआ उखिल माधव मिश्रानि महराव नुजायो, जाय मोनसे जुजिनो गोनां आयेनारि दावहाखौ सुस्त्रांनो थाखाय फैफिनबाय जायखौ बिथाडाल' बे सामलायनो हायो। माधवनि आखुनि अनगायैबो, स्व'आव गोबां गुबुन फावगिरिफोर दं जायजों नायगिरिफोरा मोनसे

जुनिया मोजां मोन्नाय दं। क्रिमिनेल जास्टिस सिजन 4 नि रोखोमसे कास्टनि बागै सासे रोंग'थि गोनां सार्जन जाय गावनि फिसाजोनि नार्स, रोशनी सलुजाखौ बुथारनायाव गाहाय सन्देह' गोनां जायो। राजआ गावनि बिसि अन्जुजों गावनि सोमोन्दो आरो गावनि फिसाजो इयाखौ फेदेरनायनि बिबानजोंबो जुजिगासिनो दं, जायहा एस्पगर् सिन्ड्रम दं। सल'आ गावनि दायगैयिखौ फोरमान खालामनो आरो गावनि नख'रखौ रैखा खालामनो बिथानि नाजानायनि खाथि-खाला गिदिडो। बे आयेनारि थुनफवथायाव सुक्वीन चावलाया राज जगपालनि बिसि अन्जुनि फाव खालामदों। नायबिजिरनाया दावगायो,



अन्जुआ गावखौ आयेनारि जेंनायाव गोगलैनाय मोनो। बे समाव, बिथांजोनि गावनि फोथार्यथि, जुजिनाय आरो गुमुरफोरा सोराडव फैयो, जाय बिथांजोखौ बे सल'आव मोनसे मिरुआरि आखु बानायो। आशा नेगीआ नार्स रोशनी सलुजानि फाव खालामदों। बे नार्सखौ बुथारनाया जायो, आरो बेयावनो फारिनि सल'आ

जागायजेनो। बिथांजोनि बयफ्रेन्डआ, दा थानानै गैयाब्लाबो, सल'नि सोमोनाथाव फोरमार्यथिफोरनि थाखाय गोनांथार। बिखौ सोर आरो मानो बुथारदों बेखौ मिथिनो थाखाय स्व'खौ नाय। क्रिमिनेल जस्टिस: ए फेमिली मैटर (सीजन 4) आव, खुशबु अत्रेआ एडभकेट माधव मिश्रानि (पंकज त्रिपाठी) बिसि सजा

अजय देवगाननि सावथुन 'रेड 2'आ रिलिजनि 32थि सानआव मोजाडै रां आर्जिनो हादों



अजय देवगान, रितेश देशमुख आरो वाणी कापुरजों लोगोसे सावथुन रेड 2 आ बाथि सप्ताहआव आगान होबाय। बेयो नायगिरिफोरनि मोजां मोन्नाय आरो अजय देवगाननि सावथुनफोरनि थाखाय क्रेज दि, सावथुनआ दासिम गावनि 32थि सानावबो गोदानै रिलिज जानाय सावथुनफोरजों बादायलायगासिनो दं। सावथुनआ सप्ताहनि जोबनायाव जोबोद थुलुंगा मोन्दों। बे क्राइम थ्रिलार सावथुनआ मावख'आरि महरै थियेटरफोराव से दान आबुं जाबाय। नाथाय फैगौ सप्ताहआव सावथुननि थाखाय मोनसे गिदिर फेरफाथिनाय जानो थांगासिनो दं। थारैनो 5 साननि गेजेराव मोनसे जर'खा जानो थांगासिनो दड। मानोना 5 साननि उनाव हाउसफुल 5 आ रिलिज जागोन। गावनि गिदिर स्टार कास्ट आरो मोनसे कमेडि थ्रिलार जानायनि जाहोनाव बेखौ मिजिं थिनाय जायो दि,

सावथुनआ रिलिज जानाय लोगो लोगो बक्स अफिसआव गावनि गोहोर्जों गादबनायखौ दिन्थिगोन। रेड 2 सावथुनआ बक्स अफिसआव मोनसे गोखोंथिजों जागायजेन्दोंमोन आरो गिबि सानआव 19.25 कौटि रं बुथुमदोंमोन। बेबायदिनो गिबि सप्ताहनि थाखाय रं बुथुमनाया 95.75 कौटिसिम सौहैदोंमोन, जाय सानफ्रोमबो थाद'थै बांगासिनो दंमोन। नैथि सप्ताहआव बे अन्जिमाया 40.6 कौटिसिम सौहैदों। थामथि सप्ताहआव बेयो 20.5 कौटिआव थाथ'दोंमोन। बेनि गेजेराव ब्रैथि सप्ताहआव बे सावथुननि गासै नख'रारि बक्स अफिस रं बुथुमनाया 8.25 कौटि जाहैदों। आथिखालाव 32थि साननि अन्जिमाफोराबो सोराडव फैबाय। 5थि शनिबाराव राज कुमार गुप्ताजों दिथाहोजानाय बे सावथुनआ 91 जौखोन्दो बांदों। मिजिंथिनाय बायदिब्ला, 31थि सानआव रेड 2 आ 1.33 कौटि रं आर्जिदों। बेयो 'भुल भुलैया 2' निफ्राय गोब्राव बादायलायनायजों मोगा-मोगि जागासिनो दं। अब्लाबो गासैबो हेंथाफोरनि गेजेरावबो बेयो बाख्याजथाव दि, क्राइम थ्रिलारआ सावथुनआ दासिमबो थियेटरफोराव नायगिरिफोरखौ गोसो बोनो हादों। बेबादिनो रेड 2 आ भारतआरि बक्स अफिसआव गावनि से दान आबुं खालामबाय। दासिम बेयो 172.37 कौटि रं आर्जिनो हादों। टेक्सखौ लाफानानै गासै रं आरजिनाया 203.39 कौटिसिम सौहैबाय।

फावखुंग्रि गौहर खानआ नैथि खेब गथ'नि बिमा जासिगोन

बलिउडनि फावखुंग्रि गौहर खानआ गावनि नैथि बिमा जागोनखौ मिबथिदों। 2023 माइथायआव गावनि फिसाज्ला जहानखौ जोनोम होखानायनि उनाव गौहरआ बावैसो गावनि नैथि खेब गोर्बोआव थानायनि मोजां खौरांखौ अन्साइगिरिफोरनो

फोसावदोंमोन। बिथाडा गावनि मोनसे गोदान अन्साइगिरिफोरनो फोसावदोंमोन। बिथाडा गावनि मोनसे गोदान बलग खालामनानै गावनि बिमा जानायनि जिउ राहा दावबायनाय आरो जौगानायनि सोमोन्दै फोरमायदों। बे



'हाउसफुल 5' सावथुननि रिलिज अक्टखौ फोसावबाय



अन्जिमाया 3.84 कौटि रंसिम जाहैदोंमोन। अन्साइगिरिफोरनि बे क्रेजआ सावथुननि मुंदांखाखौ दिन्थियो। आथिखालाव बेफोर अन्जिमाफोरा सोलायनायनि थाखाय जायगा दं। कइमेइनि बायदिब्ला, हाउसफुल 5 नि बाजेटआ 375 कौटि रं। बेयो मोनै गुबुन गुबुन रोखोमफोर (एए आरो 5 बि) आव फोसाव जानाय गिबिसिम बलिउड सावथुन मोन्नैबो रोखोमनि क्लाइमेक्सआ गुबुन गुबुन

जागोन, जाय नायगिरिफोरनि थाखाय मोनसे गोदान मोन्दांथि लाबोगोन। सावथुनखौ लानानै साजिदआ बुंदोंमोनदि, नायगिरिफोर थियेटराव मोनसे जोबोद गुबुन रोखोमनि मोन्दांथि मोनगोन। साजित

नाडियावालाजों दिहुन्नाय बे सावथुनखौ तरुण मनसुखर्निया दिथा होदों। बे सावथुनाव अक्षय कुमार, रितेश देशमुख, अभिषेक बच्चन, सन्जय दत्त, फरदीन खान श्रेयस तलपड़े, नाना पाटेकार, जैकी श्रफ, डिनो

आमिर खाननि फैनो गोनां सावथुन 'सितारे जामीन पर'आ गुबुन सावथुनफोरबादिनो सिनेमाहलफोराव लिरिज जागोन

आमिर खानआ बे समाव गावनि के रियारनि साबसिम सावथुनफोरनि गेजेराव मोनसे सितारे जमिन परनि थियारि खालामगासिनो दड। बे सावथुनआ 2007 माइथायआव फैनाय बिनि जर'खा सावथुननि मोनसे बाहागो। स्पेनिस हिट चेम्पियनजों थुलुंगा मोन्नाय बे सावथुनआ 20 जुन, 2025आव रिलिज जागोन।



हास्थायगिरिफोरा सावथुनखौ गोबां एक्साइटेडजों नेनानै दड। बावैसो हास्थायगिरिफोरनि गोसोआव बे बाश्राखौ लानानै गोसोआव सौंथि सिखांदोंदि, बेखौ बबेव नायनो हागोन। सिडाव खौरां फैदोंमोनदि, सावथुनखौ थियेटरनि उनाव अटिटिआव रिलिज खालामनाय जानाय नड। बेनि उनाव बेखौ थोंजों इडटुबआव रिलिज खालामनाय जागोन, जायनि थाखाय बे सावथुनखौ नायनो सिगां पेमेन्ट खालामनांगोन। फावखुंग्रिनि बे थांखिआ बयखौबो सोमोनांहोदोंमोन। बबेखानि आमिर खानआ बैफोर नंखाय गोसारनायफोरखौ सिरि खालामबाय। बे रोखोमनि

खौरांफोराव फिन्नाय होनानै आमिरआ रोखा खालामोदि, सितारे जमीन पर सावथुनआ 20 जुन, 2025 आव सिनेमाहलफोरावनो रिलिज जागोन। बियो रोखा खालामोदि, गुबुन सावथुनफोर बादिनो बे सावथुनआबो अटिटि प्लेटफर्मआव रिलिज जानाय नड। मोनसे सोंगाब सोंनायाव आमिरआ बुंदोंदि, बिथाडा गोबां टिडरि फरायदों आरो बिथाडा खालि मोनसे थांखिआव गोसो होदों बेनो जाबाय थियेटर। बिथाडा बुंवावदोंदि, मोनसे सममोन जे ब्ला अटिटिआव सावथुनफोरा 6 दान उनावसो फै योमोन। आथिखालाव अटिटिआव माखासे स्पताहनि

गेजेरावनो फैयो। नाथाय आं बेखौ मोजां मोना। आंहा अटिटिजों जेबो जेंना गैया। जुदि आं माखासे कन्टेन्टखौ अटिटिनि थाखाय बानायो अब्ला आं अटिटिआव लांगोन। फावखुंग्रिआ बुंवावोदि, सितारे जामीन परआ जेब्ला फैगोन बेयो खालि थियेटरआवल' नुजागोन। आंनि फोथायनाया सिनाहल आरो थियेटरआवल' अब्ला आं बेखौनो खालामगोन। आंनियाव गुबुन प्लेटफर्मनि थाखाय गोबां अफार फैदों। नाथाय आं बेफोरखौ गुरैयै माना खालामदों। जुदि थियेटरनि फालांगिआ जोबो अब्ला मा खालामनांगौ बेखौ सान्जागोन।

भिक्रम आरो तमन्ना भाटियानि 'स्केच' सावथुनखौ अटिटि प्लेटफर्म आव गोरलैयैनो नायनो हासिगोन

भिक्रम चियानआ खोला सावथुननि मेगा सुपारस्टारफोरनि गेजेराव सासे। बिथाडा फैसालियाव गावनि स्वंग आरो गोहो गोरा फाव खालामनायनि थाखाय मोजाडै मिथिजायो, जाय सास्पेन्सनि गोमोथावनाजों बेरखांदों। बे 7 बोसोर गोजाम थ्रिलार, जाय बक्स अफिसआव मोनसे दावराव-दावसि सोमजिहोदों, अटिटिआव बयनिबो गोसोआव जायगा आवग्रिनो हानाय सावथुन महरै मुंदांखा। खोला भारतनि सावथुना जोबोद मोजां एक्शन आरो सास्पेन्स थ्रिलार



होनानै गोबाव समनिफ्रायनो रंजानाय मुलुगाव बाहागो लागासिनो दं। बेबादिनो मोनसे

सावथुना 2018 मायथाइयाव सिनेमा हलफोराव फोसाव जादोंमोन। भिक्रम फाव

बिमा जासिगोन

खालामदोंमोन। गावनि बलगआव बिथाडा बिमा जानायनि सोमोन्दै समायना बुल्लिफोर आरो जेंनाफोरनि सोमोन्दै बुडो। गौहर खानआ 2020 माइथायाव दे'खो दिथागिरि इम्साइल महरै बिबान सामलायदोंमोन, फावखुंग्रिया दरबारनि

फिसाज्ला जैद दरबारजों हाबा जादोंमोन। जैदआ सासे मुंदांखा सशेल मिडियाआव गोहोम खोख्लेग्रा आरो करिय ग्राफारबोमोन। 2023 माइथायाव हाबानि 3 बोसोरनि उनाव गौहर आरो जैदआ गावसोरनि फिसाज्ला जेहानखौ बरायदोंमोन।

खालामनाय बे तामिल सावथुनाव मोनसे जोबोद गोसो बोनो हाथाव सल' दंमोन। सावथुना सासे सुबुनि सल'खौ दिन्थिदों जाय सासे रां दाहार होग्रानि थाखाय बुधुमनायनि खामानि मावो। बे सुबुड बै रां दाहार होग्रानि थाखाय दाहार लाग्राफोरनिफ्राय रं बुधुमो आरो रां होआब्ला बिसोरखौ देहायारि गाग्लोबो। सासे दाहार लाग्राया बै सुबुखौ नोजोर होयो आरो खिथेर लानो जापानआव थाडो। बे 2 घन्टा आरो 12 मिनिटनि सावथुनाव फावखुंग्रि आरो फावखुंग्रिनि मोजां मोनलायनाय सल'नि गुबै थुनफावथाया जोबथायाव नुजायो जेराव बिथानि माखासे लोगोफोरा बुथारजायो। बे भिक्रम आरो तमन्ना भाटियानि स्केच सावथुनखौ अटिटि प्लेटफर्म एमेजन प्राइम भिडिअ एबा ग' टु हसआव गोरलैयैनो नायनो हागोन। गासै महरै बे सावथुना अन्साइगिरिफोरखौ नायनो मुजिनाय मोनगोन आरो रंजाहोगोन।

